

C40-4574



B 64853

念經儀式

若有入受持金剛經者。先須淨手焚香開卷。至心念淨口業真言。淨法界真言。各三遍。然後啓請八金剛四菩薩名號。

淨口業真言

奉請金剛四菩薩

脩唎脩唎摩訶脩唎脩脩唎薩婆訶。金剛

淨法界真言

奉請金剛四菩薩

唵嚩

金剛受持金剛

請八金剛

奉請青除災金剛

奉請辟毒金剛

奉請黃隨求金剛

奉請白淨水金剛

奉請赤聲火金剛

奉請定持災金剛

奉請紫賢金剛

奉請大神金剛

請四菩薩

奉請金剛眷菩薩

奉請金剛索菩薩

奉請金剛愛菩薩

奉請金剛語菩薩

發願文

稽首三界尊 彙命十方佛 我今發弘願
持此金剛經 上報四重恩 下濟三途苦
若有見聞者 悉發菩提心 盡此一報身
同生極樂國

開經偈

無上甚深微妙法 百千萬劫難遭遇

我今見聞得受持 願解如來真實義

金剛般若波羅蜜經
妙音大士說
百千萬世傳此經
開智慧
生忍慧圓
了悟慧明
參發普賢心
普度三界苦
上昇四重恩
下化三劫苦
無量三界福
願今十方佛
與今眾生禪
般若文

金剛般若波羅蜜經

般音鉢若音惹

姚秦三藏法師鳩摩羅什譯

法會因由分第一

如是我聞。一時佛在舍衛國祇樹給孤獨園。與大比丘衆一千二百五十人俱。爾時世尊。食時着衣持鉢。入舍衛大城乞食。於其城中次第乞已。還至本處。飯食訖。收衣鉢。洗足已。敷座而坐。比
被飯音反

善現啓請分第二

時長老須菩提在大衆中。卽從座起。偏袒右肩。右膝著地。合掌恭敬。而白佛言。希有世尊。如來善護念諸菩薩。善付囑諸菩薩。世尊。善男子。善女人。發阿耨多羅三藐三菩提心。云何應住。云何降伏其心。佛言。善哉。善哉。須菩提。如汝所說。如來善護念諸菩薩。善付囑諸菩薩。汝今諦聽。當爲汝說。善男子。善女人。發阿耨多羅三藐三

菩提心。應如是住。如是降伏其心。唯然世尊。願樂欲聞。唯上聲

大乘正宗分第三

佛告須菩提。諸菩薩摩訶薩。應如是降伏其心。所有一切衆生之類。若卵生。若胎生。若濕生。若化生。若有色。若無色。若有想。若無想。若非有想。若非無想。我皆令入無餘涅槃而滅度之。如是滅度無量無數無邊衆生。實無衆生得滅度者。

何以故。須菩提。若菩薩有我相。人相。衆生相。壽者相。卽非菩薩。

切音砌衆音宗而刻之略

妙行無住分第四

復次須菩提。菩薩於法應無所住。行於布施。所謂不住色布施。不住聲香味觸法布施。須菩提。菩薩應如是布施。不住於相。何以故。若菩薩不住相布施。其福德不可思量。須菩提。於意云何。東方虛空。可思量不。不也。世尊。須菩提。南西北

方。四維上下虛空。可思量不。不也。世尊。須菩提。

菩薩無住相布施。福德亦復如是不可思量。須

菩提。菩薩但應如所教住。

凡問不字音否凡答

如理實見分第五

須菩提。於意云何。可以身相見如來不。不也。世尊。不可以身相得見如來。何以故。如來所說身相。卽非身相。佛告須菩提。凡所有相。皆是虛妄。若見諸相。非相。卽見如來。

正信希有分第六

須菩提白佛言世尊頗有衆生得聞如是言說章句。生實信不。佛告須菩提莫作是說。如來滅後後五百歲。有持戒修福者。於此章句能生信心。以此爲實。當知是人不於一佛二佛三四五佛而種善根。已於無量千萬佛所種諸善根。聞是章句乃至一念生淨信者。須菩提如來悉知悉見。是諸衆生得如是無量福德。何以故。是諸

衆生無復我相人相衆生相壽者相無法相亦無非法相。何以故。是諸衆生若心取相。卽爲著我人衆生壽者。若取法相。卽著我人衆生壽者。何以故。若取非法相。則著我人衆生壽者。是故不應取法。不應取非法。以是義故。如來常說汝等比丘知我說法。如筏喻者。法尚應捨。何況非法。

無得無說分第七

須菩提。於意云何。如來得阿耨多羅三藐三菩提耶。如來有所說法耶。須菩提言。如我解佛所說義。無有定法名阿耨多羅三藐三菩提。亦無有定法如來可說。何以故。如來所說法。皆不可取。不可說。非法非非法。所以者何。一切賢聖。皆以無爲法而有差別。差讀作資

依法出生分第八

須菩提。於意云何。若人滿三千大千世界七寶。

以用布施。是人所得福德。寧爲多不。須菩提言。甚多。世尊。何以故。是福德。卽非福德性。是故如來說福德多。若復有人。於此經中受持。乃至四句偈等。爲他人說。其福勝彼。何以故。須菩提。一切諸佛。及諸佛阿耨多羅三藐三菩提法。皆從此經出。須菩提。所謂佛法者。卽非佛法。

須菩提於意云何。須陀洹能作是念。我得須陀

洹果不須菩提言不也。世尊何以故。須陀洹名爲入流而無所入。不入色聲香味觸法。是名須陀洹。須菩提於意云何。斯陀含能作是念。我得斯陀含果不。須菩提言不也。世尊何以故。斯陀含名一往來。而實無往來。是名斯陀含。須菩提於意云何。阿那含能作是念。我得阿那含果不。須菩提言不也。世尊何以故。阿那含名爲不來。而實無不來。是故名阿那含。須菩提於意云何。

阿羅漢能作是念。我得阿羅漢道不。須菩提言不也。世尊何以故。實無有法。名阿羅漢。世尊。若阿羅漢作是念。我得阿羅漢道。即爲著我人衆生壽者。世尊。佛說我得無諍三昧。人中最爲第一。是第一離欲阿羅漢。世尊。我不作是念。我是離欲阿羅漢。世尊。我若作是念。我得阿羅漢道。世尊則不說。須菩提是樂阿蘭那行者。以須菩提實無所行。而名須菩提。是樂阿蘭那行。洹音
九阿

那俱平聲

莊嚴淨土分第十

佛告須菩提於意云何。如來昔在然燈佛所。於法有所得不。不也。世尊。如來在然燈佛所。於法實無所得。須菩提於意云何。菩薩莊嚴佛土不。不也。世尊。何以故。莊嚴佛土者。卽非莊嚴。是名莊嚴。是故須菩提。諸菩薩摩訶薩。應如是生清淨心。不應住色生心。不應住聲香味觸法生心。

應無所住而生其心。須菩提。譬如有人。身如須彌山王。於意云何。是身爲大不。須菩提言。甚大。世尊。何以故。佛說非身。是名大身。土音杜

無爲福勝分第十一

須菩提。如恒河中所有沙數。如是沙等恒河。於意云何。是諸恒河沙。寧爲多不。須菩提言。甚多。世尊。但諸恒河尚多無數。何況其沙。須菩提。我今實言告汝。若有善男子。善女人。以七寶滿爾

所恒河沙數三千大千世界。以用布施。得福多
不須菩提言甚多。世尊。佛告須菩提。若善男子。
善女人。於此經中。乃至受持四句偈等。爲他人
說。而此福德勝前福德。

尊重正教分第十二

復次須菩提。隨說是經。乃至四句偈等。當知此
處。一切世間天人阿修羅皆應供養。如佛塔廟。
何況有人。盡能受持讀誦。須菩提。當知是人成

就最上第一希有之法。若是經典所在之處。即
爲有佛。若尊重弟子。

如法受持分第十三

爾時須菩提白佛言。世尊。當何名此經。我等云
何奉持。佛告須菩提。是經名爲金剛般若波羅
蜜。以是名字。汝當奉持。所以者何。須菩提。佛說
般若波羅蜜。卽非般若波羅蜜。是名般若波羅
蜜。須菩提於意云何。如來有所說法不。須菩提。

白佛言。世尊。如來無所說。須菩提於意云何。三千大千世界所有微塵。是爲多不。須菩提言。甚多。世尊。須菩提。諸微塵。如來說非微塵。是名微塵。如來說世界非世界。是名世界。須菩提於意云何。可以三十二相見如來不。不也。世尊。不可以三十二相得見如來。何以故。如來說三十二相。卽是非相。是名三十二相。須菩提。若有善男子。善女人。以恒河沙等身命布施。若復有人。於此經中。乃至受持四句偈等。爲他人說。其福甚多。

離相寂滅分第十四

爾時須菩提聞說是經。深解義趣。涕淚悲泣。而白佛言。希有世尊。佛說如是甚深經典。我從昔來所得慧眼。未曾得聞如是之經。世尊。若復有人得聞是經。信心清淨。卽生實相。當知是人成就第一希有功德。世尊。是實相者。卽是非相。是

故如來說名實相。世尊。我今得聞如是經典。信解受持。不足爲難。若當來世後五百歲。其有衆生得聞是經。信解受持。是人卽爲第一希有。何以故。此人無我相。無人相。無衆生相。無壽者相。所以者何。我相卽是非相。人相。衆生相。壽者相。卽是非相。何以故。離一切諸相。卽名諸佛。佛告須菩提。如是。如是。若復有人得聞是經。不驚。不怖。不畏。當知是人。甚爲希有。何以故。須菩提。如

來說第一波羅蜜。卽非第一波羅蜜。是名第一波羅蜜。須菩提。忍辱波羅蜜。如來說非忍辱波羅蜜。是名忍辱波羅蜜。何以故。須菩提。如我昔爲歌利王割截身體。我於爾時。無我相。無人相。無衆生相。無壽者相。何以故。我於往昔節節支解時。若有我相。人相。衆生相。壽者相。應生瞋恨。須菩提。又念過去於五百世。作忍辱仙人。於爾所世。無我相。無人相。無衆生相。無壽者相。是故

須菩提。菩薩應離一切相。發阿耨多羅三藐三菩提心。不應住色生心。不應住聲香味觸法生心。應生無所住心。若心有住。卽爲非住。是故佛說菩薩心。不應住色布施。須菩提。菩薩爲利益一切衆生。故應如是布施。如來說一切諸相。卽是非相。又說一切衆生。卽非衆生。須菩提。如來是真語者。實語者。如語者。不誑語者。不異語者。須菩提。如來所得法。此法無實無虛。須菩提。若

菩薩心住於法而行布施。如人入闇。卽無所見。若菩薩心不住法而行布施。如人有目。日光明照。見種種色。須菩提。當來之世。若有善男子。善女人。能於此經受持讀誦。卽爲如來以佛智慧悉知是人。悉見是人。皆得成就無量無邊功德。
解去聲

持經功德分第十五
須菩提。若有善男子。善女人。初日分以恒河沙

等身布施。中日分復以恒河沙等身布施。後日分亦以恒河沙等身布施。如是無量百千萬億劫。以身布施。若復有人聞此經典。信心不逆。其福勝彼。何況書寫受持讀誦。爲人解說。須菩提。以要言之。是經有不可思議。不可稱量。無邊功德。如來爲發大乘者說。爲發最上乘者說。若有人能受持讀誦。廣爲人說。如來悉知是人。悉見是人。皆得成就不可量。不可稱。無有邊。不可思議功德。如是人等。卽爲荷擔如來阿耨多羅三藐三菩提。何以故。須菩提。若樂小法者。著我見。人見。衆生見。壽者見。卽於此經。不能聽受。讀誦。爲人解說。須菩提。在在處處。若有此經。一切世間天人。阿脩羅所應供養。當知此處。卽爲是塔。

皆應恭敬。作禮圍繞。以諸華香而散其處。三分字去

聲稱量俱平聲。荷去聲。擔平聲。

更夫能淨業障分第十六

復次須菩提。若善男子。善女人。受持讀誦此經。若爲人輕賤。是人先世罪業。應墮惡道。以今世人輕賤故。先世罪業。卽爲消滅。當得阿耨多羅三藐三菩提。須菩提。我念過去無量阿僧祇劫。於然燈佛前。得值八百四千萬億那由他諸佛。悉皆供養承事。無空過者。若復有人。於後末世。能受持讀誦此經。所得功德。於我所供養諸佛功德。百分不及一千萬億分。乃至算數譬喻所

不能及。須菩提。若善男子。善女人。於後末世。有受持讀誦此經。所得功德。我若具說者。或有人聞。心卽狂亂。狐疑不信。須菩提。當知是經義不可思議。果報亦不可思議。先去聲他音陀

究竟無我分第十七

爾時須菩提白佛言。世尊。善男子。善女人。發阿耨多羅三藐三菩提心。云何應住。云何降伏其心。佛告須菩提。善男子。善女人。發阿耨多羅三

藐三菩提心者。當生如是心。我應滅度一切衆生。滅度一切衆生已。而無有一衆生實滅度者。何以故。須菩提。若菩薩有我相人相衆生相壽者相。卽非菩薩。所以者何。須菩提實無有法。發阿耨多羅三藐三菩提心者。須菩提。於意云何。如來於然燈佛所。有法得阿耨多羅三藐三菩提不。不也。世尊。如我解佛所說義。佛於然燈佛所。無有法得阿耨多羅三藐三菩提。佛言。如是。

如是。須菩提實無有法。如來得阿耨多羅三藐三菩提。須菩提。若有法如來得阿耨多羅三藐三菩提者。然燈佛卽不與我授記。汝於來世。當得作佛。號釋迦牟尼。以實無有法得阿耨多羅三藐三菩提。是故然燈佛與我授記。作是言。汝於來世。當得作佛。號釋迦牟尼。何以故。如來者。卽諸法如義。若有人言如來得阿耨多羅三藐三菩提。須菩提。實無有法。佛得阿耨多羅三藐

三菩提。須菩提。如來所得阿耨多羅三藐三菩提。於是中無實無虛。是故如來說一切法。皆是佛法。須菩提。所言一切法者。卽非一切法。是故名一切法。須菩提。譬如人身長大。須菩提言。世尊。如來說人身長大。卽爲非大身。是名大身。須菩提。菩薩亦如是。若作是言。我當滅度無量眾生。卽不名菩薩。何以故。須菩提實無有法。名爲菩薩。是故佛說一切法。無我無人無衆生無壽者。須菩提。若菩薩作是言。我當莊嚴佛土。是不名菩薩。何以故。如來說莊嚴佛土者。卽非莊嚴。是名莊嚴。須菩提。若菩薩通達無我法者。如來說名真是菩薩。

一體同觀分第十八
須菩提。於意云何。如來有肉眼不如是。世尊。如來有肉眼。須菩提。於意云何。如來有天眼不如是。世尊。如來有天眼。須菩提。於意云何。如來有

慧眼不。如是。世尊。如來有慧眼。須菩提。於意云。何。如來有法眼不。如是。世尊。如來有法眼。須菩提。於意云。何。如來有佛眼不。如是。世尊。如來有佛眼。須菩提。於意云。何。如是。世尊。如來說是沙。須菩提。於意云。何。如一恒河中所有沙。有如是沙等恒河。是諸恒河所有沙數佛世界。如是寧爲多不。甚多。世尊。佛告。須菩提。爾所國土中。所有衆生若干種。

心。如來悉知。何以故。如來說諸心。皆爲非心。是名爲心。所以者何。須菩提。過去心不可得。現在心不可得。未來心不可得。

法界通化分第十九

須菩提。於意云。何。若有人滿三千大千世界七寶。以用布施。是人以是因緣得福多不。如是世尊。此人以是因緣得福甚多。須菩提。若福德有實。如來不說得福德多。以福德無故。如來說得

福德多。

離色離相分第二十

須菩提。於意云何。佛可以具足色身見不。不也。世尊。如來不應以具足色身見。何以故。如來說具足色身。卽非具足色身。是名具足色身。須菩提。於意云何。如來可以具足諸相見不。不也。世尊。如來不應以具足諸相見。何以故。如來說諸相具足。卽非具足。是名諸相具足。

非說所說分第二十一

須菩提。汝勿謂如來作是念。我當有所說法。莫作是念。何以故。若人言如來有所說法。卽爲謗佛。不能解我所說故。須菩提說法者。無法可說。是名說法。爾時慧命須菩提白佛言。世尊。頗有衆生於未來世。聞說是法。生信心不。佛言。須菩提。彼非衆生。非不衆生。何以故。須菩提。衆生衆生者。如來說非衆生。是名衆生。

無法可得分第二十二

須菩提白佛言世尊佛得阿耨多羅三藐三菩提爲無所得耶佛言如是如是須菩提我於阿耨多羅三藐三菩提乃至無有少法可得是名阿耨多羅三藐三菩提。

淨心行善分第二十三

復次須菩提是法平等無有高下是名阿耨多羅三藐三菩提以無我無人無衆生無壽者脩

一切善法卽得阿耨多羅三藐三菩提須菩提所言善法者如來說卽非善法是名善法

福智無比分第二十四

須菩提若三千大千世界中所有諸須彌山王如是等七寶聚有人持用布施若人以此般若波羅蜜經乃至四句偈等受持讀誦爲他人說於前福德百分不及一一百千萬億分乃至算數譬喻所不能及。

化無所化分第二十五

須菩提。於意云何。汝等勿謂如來作是念。我當度衆生。須菩提。莫作是念。何以故。實無有衆生如來度者。若有衆生如來度者。如來卽有我。人衆生壽者。須菩提。如來說有我者。卽非有我。而凡夫之人。以爲有我。須菩提。凡夫者。如來說卽非凡夫。是名凡夫。

法身非相分第二十六

須菩提。於意云何。可以三十二相觀如來不。須菩提。言。如是。如是以三十二相觀如來。佛言。須菩提。若以三十二相觀如來者。轉輪聖王。即是如來。須菩提。白佛言。世尊。如我解佛所說義。不應以三十二相觀如來。爾時世尊。而說偈言。觀俱去聲

若以色見我。是人行邪道。
不能見如來。是人行邪道。

無斷無滅分第二十七

須菩提。汝若作是念。如來不以具足相故。得阿耨多羅三藐三菩提。須菩提。莫作是念。如來不以具足相故。得阿耨多羅三藐三菩提。須菩提。汝若作是念。發阿耨多羅三藐三菩提心者。說諸法斷滅。莫作是念。何以故。發阿耨多羅三藐三菩提心者。於法不說斷滅相。

不受不貪分第二十八

須菩提。若菩薩以滿恒河沙等世界七寶。持用布施。若復有人知一切法無我得成於忍。此菩薩勝前菩薩所得功德。何以故。須菩提。以諸菩薩不受福德故。須菩提。白佛言。世尊。云何菩薩不受福德。須菩提。菩薩所作福德。不應貪著。是故說不受福德。

無斷威儀寂靜分第二十九

須菩提。若有人言。如來若來若去。若坐若臥。是

人不解我所說義。何以故。如來者。無所從來。亦無所去。故名如來。

一合理相分第三十

須菩提。若善男子。善女人。以三千大千世界。碎爲微塵。於意云何。是微塵衆。寧爲多不。須菩提。言甚多。世尊。何以故。若是微塵衆實有者。佛即不說是微塵衆。所以者何。佛說微塵衆。卽非微塵衆。是名微塵衆。世尊。如來所說三千大千世

界。卽非世界。是名世界。何以故。若世界實有者。卽是一合相。如來說一合相。卽非一合相。是名一合相。須菩提。一合相者。卽是不可說。但凡夫之人。貪著其事。

知見不生分第三十一

須菩提。若人言佛說我見人見衆生見壽者見。須菩提。於意云何。是人解我所說義不。不也。世尊。是人不解如來所說義。何以故。世尊說我見

人見衆生見壽者見。卽非我見人見衆生見壽者見。是名我見人見衆生見壽者見。須菩提。發阿耨多羅三藐三菩提心者。於一切法。應如是知。如是見。如是信解。不生法相。須菩提。所言法相者。如來說卽非法相。是名法相。

應化非真分第三十二

須菩提。若有人以滿無量阿僧祇世界七寶。持用布施。若有善男子。善女人。發菩提心者。持於

此經。乃至四句偈等。受持讀誦。爲人演說。其福勝彼。云何爲人演說。不取於相。如如不動。何以故。

一切有爲法。如夢幻泡影。

如露亦如電。應作如是觀。佛說是經已。長老須菩提。及諸比丘。比丘尼。優婆塞。優婆夷。一切世間天人阿脩羅。聞佛所說。皆大歡喜。信受奉行。

金剛般若波羅蜜經

畢

補闕真言

南無喝囉怛那哆囉夜耶。佢囉佢囉。俱住俱住。
摩囉摩囉。虎囉吽。賀賀。蘇怛拏。吽。潑抹拏。娑婆
訶。

閻羅天子敕取藏中補闕真言

唵。呼。噦。呼。噦。社曳。穆契。莎訶。

斷疑生信。絕相超宗。頓忘人法解。真空般若。

味重重。四句融通。福德嘆無窮。

南無祇園會上佛菩薩

三稱

一迴向真如實際。心心契合。

二迴向無上佛果菩提。念念圓滿。

三迴向法界一切衆生。同生淨土。

三國時果一財主同坐一土
西二國向無土粒果著掛念圓滿。

一國稱其吸寶網以示笑合。

南無迦園會土持菩。

三釋

般若波羅蜜多心經

觀自在菩薩行深般若波羅蜜多時。照見五蘊皆空。度一切苦厄。舍利子。色不異空。空不異色。色即是空。空即是色。受想行識亦復如是。舍利子。是諸法空相。不生不滅。不垢不淨。不增不減。是故空中無色無受想行識。無眼耳鼻舌身意。無色聲香味觸法。無眼界。乃至無意識界。無無明。亦無無明盡。乃至無老死。亦無老死盡。無苦。

集滅道。無智亦無得以無所得故。菩提薩埵。依般若波羅蜜多故。心無罣礙。無罣礙故。無有恐怖。遠離顛倒夢想。究竟涅槃。三世諸佛。依般若波羅蜜多故。得阿耨多羅三藐三菩提。故知般若波羅蜜多是大神呪。是大明呪。是無上呪。是無等等呪。能除一切苦。真實不虛。故說般若波羅蜜多呪。卽說呪曰。揭諦揭諦。波羅揭諦。波羅僧揭諦。菩提薩婆訶。唐三藏法師玄奘奉詔譯。

金剛經持驗紀序

佛說般若經六百卷。金剛則其中第五百七十七卷也。中峰云。六百卷廣說般若。專爲小乘人。融通淘汰。欲其淨治心器。然後以上乘圓頓甘露之味。貯之。故此經大旨。以無相無住無爲爲宗。重疊翻覆。隨立隨掃。極是談空。究竟不是談空。所謂如來是真實語者。不誑語者。故又云。信心清淨。卽生實相。如龜毛兔角。只說龜無毛。兔

無角。此語最堪破俗。只看中間無實無虛四字。
世尊已自道破全經註脚矣。實處都虛。虛處都
實。不生不滅。滅滅生生。塵勞法相。一刀齊斷。勇
猛撇脫。直尋本來。是之謂阿耨多羅三藐三菩
提心。是之謂金剛般若波羅蜜。然經中一邊說
應住降伏。一邊說信心淨信。一邊說經義。即
一邊說果報。一片婆心。千般苦舌。其欲度善男
子女人。急於護念。囑付諸菩薩。其欲度一切衆
生。更急於度善男子女人。故凡所言諸法相。如
潭中雲影。雪上爪痕。空靈脫化。說無可說。獨至
來世有人。於此經受持演說。乃至四句偈等。輒
盛推荷擔讚嘆。希有極口許以無量無邊福德。
此語前後凡十數見。無非鼓舞五百歲以後人。
一下破除諸相。親證般若。故此經者。世尊誨人
不倦之書也。以衆生度衆生。以非衆生度衆生。
實則衆生各自度。我非度衆生。衆生亦不見。

爲我度衆生故衆生卽佛佛卽衆生無分相亦無合相或謂果報之說專爲第三等人說法似於六祖諸師高占地步將作是紀者不應以第一第二等人待來世耶古云滿街是聖即可云滿塵界是佛旣云是佛何分三等爲此說者所稱凡夫之以我爲見猶之四相未空者耳佛會說應以某身得度者卽現某身而爲說法我今亦不論第一第二第三等人只是有三千大千

世界千萬億受持此經者卽不難現三千大千世界千萬億佛身而爲說法但令得聞是說歡喜奉行是諸佛慧命不斷自然虛空落地鐵樹夜花任搜羅增續繁辭累冊如假柯古以來諸人不過以佛語證明佛語非另添一般說法也佛又云我若具說人或狂亂狐疑不信今日倘有淨信無疑之人佛將以所欲具說歡喜向其人傾倒吐之佛固是真實語者不誑語者况此

編紀事徵信古今又何狂亂狐疑之有雖然菩薩於法應無所住寧福德相可如是住乎知無相無我卽知福德不應貪着佛非但爲諸菩薩言也請爲受持者轉一語曰佛說果報卽非果報是名果報佛說不受福德卽非不受福德是名不受福德

陽羨周克復齋沐撰

周復齋

勸流通金剛經引

金剛經爲最上乘法五祖於般若六百卷中獨推此經爲見性成佛要門普勸僧俗受持自秦魏諸法師翻譯後帝王宰官以迄士庶無不奉行轉誦其持驗靈應代著明徵唐有段太常鳩異宋太宗有太平廣記近代則唐宜之巾馭乘王載生新異錄昌宗起受持果報諸編莫不竭力宣揚聖鐸廣度迷津弘法施而續慧命厥功誠不朽哉集中所載因果縷縷火可使返水可使出疾可使甦厄可使脫算可使綿名可使成嗣可使續福可使集枷杻可使自開刀鋸可使

自落。上可超拔先亡。下可消釋宿冤。陰吏鬼使不敢近。太山神君不敢錄。諸天設寶蓋浮圖覆貯之間。羅稱之曰續命經。功德經。其爲幽明尊禮至極可知。卽書寫誦讀功德已不可思議。如是而况能發明心地。精進受持者哉。所謂護法諸神。旣護法寶。自護闡法載寶之人。斷斷如矣。克復甫發心纂次記事。適遇同志善友。共發菩提。捐費助刊。彙古今來聞見。頗竭心目之力。未能備謂大成。較昔庶云善本。念從來諸刻多在吳中。他省尚希刊布。並生莊嚴佛土之中。未睹。

法事流通之勝。豈非天壤間一缺陷。事謹告同志善信。獲見是紀。不吝廣爲刻施。或仍原本。或易新編。其見聞所及。有關持驗者。尤與續輯。俾足鼓勵將來。皈依不朽。昔賢有爲勞窠圖者。勸人念佛。卒以他人念佛。往往得生淨土。乃歸功施圖之人。亦生淨土。又善過格云。能以最上乘法授人。使之因言省悟。傳一人者。當十善。十人當百善。傳大貴人。大力量大豪傑者。當千善。蒐採繕梓印卷施人者。當萬善。今此般若要典。無上密諦。誠能羽翼傳播。自覺覺他。將見慧光不斷。善果同圓。八部天龍。共擁琅函之軸。六塵火宅。齊

開曇鉢之花謹疏短引用勸同人。

同善道人克復敬懇

書于人當有善報



凡例八則

一經文流傳久遠前後凡六譯字句不無稍殊茲一遵姚秦三藏法師原譯則諸疑可決矣

一本經三十二分相傳分自昭明太子南唐保大五年壽春所刻遵原藏本不標分數實稱融貫近多因之但標分世傳已久中峰略義亦仍彼分便誦持也

一經文貫珠聯璧驟讀不辨誰何今於世尊所說用須菩提所問用○結集字用○庶脉絡眉目燦然明白

一經中字音。梵與華異。一字有讀作數音。本字另讀別音者。及間有難字。俱明註以便初學。

一紀事首敘歷朝。始自後魏迄昭代。古今並列方信從有據。但唐及明事頗詳。而宋元遂爾寥寥。以時無暇。太常唐別駕諸賢故也。善事湮沒。令名不彰。後起纂述之功。其可少乎。

一紀事先善男子。善女人。次比丘。比丘尼。往刻多廣列繙屬空門弟子。崇信佛典。分固應爾。唯俗家學道真如。青蓮出污泥而不染。尤嘆希有。故集中編次爲詳。

一稗官野史。類多荒唐。風聞塗說。未堪傳信。茲集考據最嚴。凡事跡稍涉可疑。俱行刪汰。務使表章真實。足供激勸。每條下詳注所出。以昭信也。

一評論所以發明本案旨意。必言之前後。觸處醒發。則閱者心眼頓開。自然關着痛癢。卮言無當之誚。庶幾免之。

男石百拜敬述

金剛經持驗目錄

曹鄧同學

上卷

曹

魏博士盧景裕

梁釋琰法師

隋趙文若

隋寺丞趙文昌

隋博士徐孝克

隋書生荀氏

隋邑令睦彥通

隋叅軍桂之亮

隋宋國公蕭瑀

隋釋法藏

唐蘇仁欽

唐陳昭

唐刺史任義方

唐趙文信

唐大理司馬喬卿

唐陳文達

金剛持驗目錄

唐尉白仁哲

唐尉陳利賓

唐元初

唐判司王令望

唐將軍魏恂

唐王陁

唐田叅軍

唐丞李五一

唐司馬崔文簡

唐博士吳思玄

唐縣丞呂文展

唐王虞候

唐陳哲

唐丞蘇朗

唐邑令李虛

唐吳達

唐王待制

唐邑令李惟燕

唐孫明

唐推司楊旬

唐孫翁

唐宋叅軍

唐節度張齊丘

唐府掾陸康成

唐張國英

唐徐玘

唐王孝廉

唐別駕周伯玉

唐任自信

唐太常段成式

唐節度吳少陽

唐強伯達

唐司空嚴綬

唐吳可久

唐邢行立

唐趙安

唐倪勤

唐兗州軍將

唐牙將寧勉

唐張政

唐房翥

唐竇夫人盧氏

唐烽子母

唐善化縣婆

唐何軫妻劉氏

唐康仲戚母

唐宋衍妻楊氏

唐釋明度

唐三刀師

唐釋虔慧

唐釋法正

唐釋會宗

下卷

唐釋靈幽

後續唐盧弁
唐張無是

宋宋承信

宋朱進士

宋承局周興

宋叅軍郭承恩

宋范文正公

宋馮侍御

宋司理柴注

宋華友

宋陸翁

宋李玄宗女

宋王廸功妻

宋王氏

宋蔣大士

宋釋道寧

宋釋嵩明教

宋釋清虛

元釋聰禪師

明孫甘二

明道士陳入玄

明嚴江

明周廷璋

明少保戚繼光

明馮勑

明大參顏光裕

明周少岳

明進士陳明遠

明州守李時英

明侍中鍾復秀徐遵壽

明盛在德

明進士王泮

明縣令屠隆

明張元

明大司寇姜寶

明王公方麓

明沈濟寰

明沈公光華

明晉陵訟師

明鄒輶

明內監張愛

明范氏僕

明胡燃

明憲副項希憲

明文伯仁

明吳奕德

明中丞王維章

明朱恭靖公

明汪公可受

明二府文元發

明李受伯

明施擇陽

明張守誠

明揮使朱壽增

明別駕唐時

明布政冒宗起

明庠生高孝績

明錢永明妻張氏

明劉道隆母李氏

明唐別駕姪女

明譚工部母

明濮可重妻王氏

明費氏

明釋懷林

明釋楚石

明洞庭寺僧

明釋普靜

明釋廣徹

明釋寒灰

明釋法禪

明釋周淨山

明獨目金剛尼

明尼慧貞

大清孝廉虞庶顏

大清周德聞

大清王有義

歷朝金剛持驗紀卷上

荆溪周克復重朗纂

男周石訂

吳門陳濟生皇士叅

後魏盧景裕字仲儒，節閔初爲國子博士，崇信釋氏，註周易論語，族兄神禮據鄉人謀叛，逼裕同力以應西魏，繫晉陽獄中，至心念金剛經，枷鎖自脫，齊神武作相，特見原宥。嗟夫，人有受陽世陰司之枷鎖桎梏，而不求脫者乎？狀眼前之恩愛枷鎖，快樂桎梏，何以認爲性命？而不知脫且重重糾結，而不肯脫也。大惑不解，可悲可憐。若能等一受持如景裕，則前因後際

一齊斷絕得大自在矣

出華應記

梁天監中有琰法師居長安招提寺年十一出家偶同寺僧往相士家相士謂琰曰可惜聰明止十八歲耳琰聞不樂歸請藏經殿焚香禮佛願賜經一卷畢世受持隨手於藏函內抽得金剛經晝夜持誦忽一日更深房中有五色光明須臾見一梵僧身長丈五許語琰曰汝壽十八當亡以真誠持大乘經力增延矣言訖不見琰年踰十九復遇相士愕狀曰吾師天相全消何脩至此琰曰專心持念金剛經相士曰師壽當至九十二矣屆期坐化異香滿室

出金剛證果

隋趙文若開皇初病亡經七日家人將殮忽縮一足遂停旣蘇云被一人追入冥城王問在生有何功德答云惟持金剛經王曰此第一功德算雖盡可延又曰諸罪更重殺生卿每以猪羊充庖遣使領至受苦處北行二三里高牆下有穴僅可容身從此穴出登一高阜四望遙濶一城極高峻煙火接天黑氣溢地中出血使者引回見王曰汝好啖肉薄罰難免索長釘五枚釘頭及兩手足痛楚異常從此絕肉持經後因公事至驛忽夢一青衣女求救因問驛吏有何物

食報云。一羊甚肥嫩。視之則青特也。文若云。我不食肉。遂贖放之。楞嚴經云。以人食羊。羊死爲人人死爲羊。乃至死死生生。互來相喫。趙文若雖持經延算終以嗜肉受長釘。若無此功德。則殺報輪迴無休息矣。

出太平廣記

隋開皇十一年。大府寺丞趙文昌暴卒。惟心尚煖。復活云。初死有人引見閻羅王。王問曾作福業否。文昌答以家貧無力營善事。惟專心持誦金剛經。王合掌讚言善哉。汝持此因果甚大。使人引向藏內取經。昌西行五六里見屋數十間。甚華麗。滿貯經典。信手抽取。一卷卽金剛經也。捧至王所。一人執卷在西。文昌東立向誦。一字不遺。王大歡喜。卽放昌還。令引從南門出。見周武帝在門側房身著三重鉗鎖。喚昌云。汝是我本國人。識我否。文昌云。臣昔宿衛陛下。帝曰。卿是舊臣。還家可向隋皇帝說。吾諸罪辯了。唯滅佛法罪重難免。望代營功德得離地獄。昌辭行出南門。見一人在大糞坑中。頭髮上出。引人指云。此是秦將白起。寄禁於此。罪猶未了。昌既蘇。奏聞。詔天下戶口錢。爲武帝轉金剛經。仍錄事狀入隋史。按周世宗毀銅佛像曰。佛教以頭目髓腦有利衆生。尚無所惜。寧復

以銅像爲愛平。鎮州大悲像甚有靈應。擊毀之。以斧鉞自胸鑲破。其後世宗北征。疽發洞胸。果報亦何慘也。出法苑珠林

隋國子博士徐孝克。自少欽信釋典。經論多所解釋。陳天嘉中除刺史。大建四年徵秘書丞不就。遭侯景亂。鬻妻養母。蔬食長齋持苦薩戒。都宮省多鬼怪。孝克居之。妖變皆息。陳亡入長安。文帝聞其名行。召令於尚書都堂講金剛般若經。時開皇十二年。卒年七十三。臨終念佛室有異香。隣里驚異。史載孝克。徐陵弟。性至孝。出家改名法整。出受持果報

隋書生荀氏。居益州新繁縣西四十里王李村。素行韜晦。人莫知之。嘗於村東空地上。遙望虛空。手書金剛經。遂感諸天龍神覆護。此地丈許。遇雨不濕。如屋覆狀。諸牧牛小兒。皆於此處避雨。至唐武德中有異僧語村人曰。此地空中有人書金剛經於此。諸天設寶蓋於其上。不可汙壞。自是設欄圍遶供養佛像。每齋日遠近設供誦經。常聞天樂聲震一方。按金剛般若體同虛空。世人書經多錄福報起念。荀子向空書經明是解空榜樣書而無書所謂無住相書也。證悟從虛空不可思議來。感諸寶蓋天樂福德亦不可思。

隋睦彥通宰武牢邑日持金剛經十卷李密盜起人欲殺之以應義旗彥通遂投身城下賊拔刀逼殺前有深澗遂躍入空中見金剛神以手接彥通臂置盤石上都無傷損呼曰感汝念經故來相救彥通還家所接右臂奇香累日不散後位至方伯一日無病索筆書偈沐浴而逝偈曰八十九年在世隨身做些活計今日撒手便行明月清風自在眉宗起曰今日殺蓮相續人命如絲余與宣之皆從箭鋒頭弄弗律也此時聞此因果者急急發願持誦借刀兵地獄爲解

脫津梁莫到沒巴鼻處叫苦叫屈

出報應記

隋杜之亮仁壽中爲漢王諒府叅軍後諒於并州舉兵反敗亮與僚屬皆繫獄日夜涕泣忽夜夢一僧曰汝但念誦金剛經此厄可度至曉取經專誠習念及主者引衆就戮唱者俱死惟無亮姓名主者皆坐罰俄以赦免顯慶中卒於黃州刺史異哉亮當引頸就戮時忽失姓名轉無頭之鬼爲不壞之身則以專誠勝口誦也視枷鎖自脫者更奇矣

出太平廣記

隋蕭瑀梁武帝玄孫入隋爲中書令封宋國公女爲帝后瑀篤信佛法常持金剛經因議伐高麗忤帝旨

與賀若彌高頗同禁。欲寘於法。瑀八日間念金剛經七百遍。明日桎梏忽自脫。守者失色。復爲著至殿前。瑀獨蒙宥。彌頗俱重罰。瑀因著般若靈驗十八條。造三尺檀香塔。貯經。按唐太宗以瑀好佛。嘗齋繡佛一軀。竝繡瑀狀於像側。又賜王褒所書大般若經。并賜袈裟。充講誦用。又嘗稱瑀不可以利誘。不可以死脇。想是金剛定力。

出報應記

隋沙門法藏居鄜州寶室寺。性淳行古。開皇中在洛川縣建造寺宇。變賣衣鉢起蓋殿屋二所。又寫經八百餘卷。至唐武德二年二月染疾。昏寐中見金剛神。俄疾愈。遂罄鬻所有寫經。百卷修諸善行。不涉世緣。壽至九十九歲。正月十五日延衆念佛華金剛各一七卷。端坐書偈。別大衆曰。今年九十九。看看無所有。更莫問如何。憑空打筋斗。一時緇素咸覩阿彌陀佛。化身接引。往生極樂。按張安道寫楞伽寘金山後世轉生。覺爲已書。東坡屬公書完。藏爲家寶。坡寫一卷。藏之山中。古人寫經。願力如此。又佛門中因果較世法更嚴。所云磚錢不許買瓦也。均之善法。尚錯不得。

別不善法哉。昔靈覺寺僧寶明，自云出家之前，曾作
隴西太守，造靈覺寺成，卽棄官入道，雖不禪誦禮拜
不缺。死後冥王責之曰：卿作守時，屈理枉法，劫取民
財，雖造佛寺，非卿之力。合此案觀之，凡世自謂功德，
而竟成惡業者多矣。寧獨造寺寫經，有_互^{金剛}用之罪。_{出金剛}

剛證果

唐武德間，長安富豪蘇仁欽，恣意宰割烹炮，被殺者
陳訴陰司，追魂繫獄。仁欽重病，經年減算，天亡冥王
語曰：緣爾前生修善，現世富饒，爾今恣殺業重，惡報
當償。卽令驅至刀山劍樹。欽惶怖哀告，在生雖未作
善，曾請金剛經一卷，捨與安國寺已化僧神敬受持。
僧雖遷化，可以對證。須臾異香芬馥，一僧執經至殿
言久，與仁欽受持有般若功。王卽合掌放還，得再生。
因印施法華經一百部。金剛經一千卷，修水陸大齋
濟衆。忽夜夢亡父文忠曰：我爲富不仁，殺生害命，老
墮廁中，死陷地獄。因汝修功德，得生天界矣。_{出金剛}
_{證果}
唐武德年間，江陵人陳昭，奉齋持念金剛經，累積功
行。有大蟒，每日在座側聽經，畢卽退隣。人力昌勇悍，
疑爲妖，擊殺之。蛇訴冥司，追攝力昌，令蛇纏身噬噉。
遂託夢告妻曰：蛇願聽經百卷，便可昇騰。只欠七卷。

耳我誤殺之今受苦厄速請僧寫金剛經七卷懺悔
救我妻貧甚不能爲有五歲男名僧護見母悲泣謂
曰何不賣兒救父乎母遂抱兒出市賣蜀客得錢兩
貫請僧寫經禮祝三寶一願亡夫滅罪二願母子重
逢自是憶子目盲日誦金剛行乞於市其子隨客往
蜀三十年繼父母俱亡忽念生母回江陵尋覓未見
買宅暫居偶值節臘祭祖祝云我不幸幼孤母賣子
薦父今尋母無踪願父母同超三界適其母就齋求
乞聞此語大呼云我是汝母當年賣契現在住處籃
內護抱母痛哭焚香拜天取水漱口與母舐目左右

皆明出金剛證果

唐括州刺史樂安任義方武德年中死經數日而蘇
自云被引見王王令人引觀地獄與佛經所說不殊
地下盡夜昏暗如霧中行家人以義方心有溫氣卽
請僧誦金剛經義方於地下隱隱聞經聲王檢其案
謂吏曰彼算未盡何錯追遂放歸送者云但隨經聲
卽到舍忽見一大坑當道意欲跳越遂落坑中應時
卽起旣得回生因論說地獄畫地成圖所得俸祿皆
造經像延僧寫金剛般若干餘部冒宗起曰經聲出
於僧口便出鬼門關若妙法攝入信心永斷生死種

金剛抄要錄

八

矣。出法苑珠林。

唐遂州人趙文信，貞觀元年暴死，三日復蘇。云初死時，被人擁逐，同伴十人，相隨至閻羅王所。中有一僧，王先問云：「師在世修何功德？」答云：「唯誦金剛經。」王起合掌曰：「師當昇天，何錯至此？」言未訖，忽有天衣來下，引師上天去。王復喚文信問之，答言：「一生不讀佛經，唯好庾信文章。」王言庾信是大罪人，現受罪於此。汝見識否？答以：「雖讀渠文章，未識其人。」王令引信出，乃龜也。隨令引去。少時復作人來，語云：「我爲生時好作文章，妄引佛經雜揉俗書，又誹謗佛法，謂言不及孔老之教，受此惡報，不能解脫。」文信回生，爲人具述其事。按唐扶溝令田霽，歿已歲餘，見夢其妻云：「生前叨中科第，自恃才俊，於往古聖喆之書，妄有譏駁。遇當世名流，摘其所短，今在地下，日有兩蛇、三蜈蚣出入七竅，歷諸苦痛，滿三百六十日，方得託生。」狀則口業不除，雖誦經何益？出法苑珠林。

唐大理司直司馬喬卿，天性純謹，有志行。永徽中，爲揚州司戶。曹母亡，毀瘠骨立，刺血寫金剛經二卷。方畢，忽見墓側生二芝草。九日長尺，有八寸綠莖朱蓋。日滌汁一升，味甘如蜜。取而復生。出法苑珠林。

金剛詩贊已上卷

唐陳文達鄆縣人常持金剛經爲亡父母誦至八萬四千卷多見祥瑞爲人轉經疾厄皆免銅山人陳約曾追赴陰司見地下築臺曰此般若臺待陳文達者其爲冥司所敬如此雲棲竹窗隨筆云予生也晚甫聞佛法而風木之悲已至雖欲追之未由也已奉勸世人父母在堂早勸念佛父母亡日誦經報恩出法苑珠林

唐白仁哲龍朔中爲虢州朱陽尉運米遼東過海遇罡風四望昏黑仁哲焚香急念金剛經纔數遍忽如夢寐見空中有一梵僧謂曰汝念真經故來救汝須臾風定八十餘人俱濟出廣異記

唐陳利賓會稽人弱冠擢第善屬詩文釋褐長城尉少誦金剛經遇厄多獲其助開元中賓自會稽江赴東陽天久雨江水瀰漫同行二十餘船乘風掛帆須臾天晦風烈至界石寶上水急流而下波濤衝擊不得泊前二十餘舟皆至寶口敗舟人恐懼無措利賓急誦金剛經至急流所忽有一物狀如赤龍橫出扶舟因得上咸謂誦經之功出廣異記

唐元初九江人販薪於市年七十常持金剛經晚歸江北中流風浪大起同舟俱沒惟初浮水上卽漂南

岸羣舟泊者皆大商見初背^上光高數尺疑是貴人爭遺之衣服與飯乃知爲村叟也因詰光所自云讀金剛經五十年矣在背者經也

出太平廣記

唐王令望少持金剛經還邛州臨溪路極險阻突遇猛獸急念此經猛獸熟視曳尾去曾任安州判司過揚子江夜暴風起泊船百艘相接盡沒惟令望船獨全後終亳州譙令聞此知罡風不能壞大水不能沒猛獸不能傷乃見不驚不怖之實際

出報應記

唐魏恂左庶子尚德之子持金剛經神功初爲監門衛大將軍時京有蔡策者暴亡數日方蘇白云初至

冥司官以追人不得將撻其使者使者云魏將軍持金剛經善神擁護追之不得卽別遣使復追須臾還報並同冥官曰且罷追恂聞之更加精進

出廣異記

唐王陁爲鴈蕩府果毅因病斷葷酒發心誦金剛經日五遍後染瘡疾見羣鬼來聞陁誦經聲便退遙曰王令追汝^以止誦經陁歎鬼悉向前陁乃昏迷欲絕須臾又來一鬼云念經人王令權放六月旣寤遂一心持誦昏旦不息過六月而鬼寂狀矣夜聞空中有聲呼曰汝以持經功德當壽九十竟符其數

出太平廣記

唐易州田參軍憲畜鴈犬畋獵爲事天寶初易州放

鷹於叢林棘上見書一卷乃金剛經也遂發心持誦。越數年誦及二千餘遍。咬獵如故。後遇疾暴卒。至地府見諸鳥獸周廻數畝索命。王問作罪何多。田無以對。因發往吏局推問。其徒十人。吏令啓口。以一丸藥擲入口。便生烈火。遍身焦爛。須臾灰滅。俄復成人。如是六七輩。至田氏累三丸。不見火狀。吏怪之。復引見王。具白初好畋獵。嘗得金剛經於易州棘上。持誦二千餘遍。王云只此滅一切罪。命左右檢其福簿。果如所白。王因令誦經。纏三紙。庭中禽獸忽狀不見。遂放還。更延壽十五年。蓋世人縱狀一日戒殺。但得今日。

無業而已。其已作之冤依狀猶在。惟持經則息冤仇。於既往種善。果於將來大有利益。出廣異記

唐李丘一好鷹犬。咬獵萬歲通天元年。任高郵丞。忽暴死。見兩人來追。一云姓段。同被追者男女百餘人。丘一被鎌前驅。行可十餘里。見數十大槐樹下。有馬槽。段云五道大神。巡察人間善惡。於此歇馬。丘一方知身死。至王門。段指一胥云。此人姓焦。名策。承行公事。遂被領見。王曰汝好殺造業。忽見所殺禽獸皆作人語。乞旱處分。策進云。丘一未合死。曾造金剛經一卷。王云冥間號金剛經爲最上功德。卽令領向經藏。

親驗至一殿。衆經充滿。丘一手抽一卷果是所造。既
廻見王。所殺生類求造功德。丘一願寫金剛經一百
卷。衆歡喜盡散。王曰。放去。策領出城云。盡力如此。何
以相報。丘一許錢三百千不受。云與造經二十部。至
一坑。策推之遂活。身在棺中已三日矣。惟聞哭聲。驚
呼人至。破棺而出。旬日寫經二十卷。焦策復來謝尋。
百卷亦畢。揚州刺史奏其事。敕加丘一五品。仍充嘉
州招討使。

出報應記

唐崔文簡先天中任坊州司馬屬吐蕃奄至同被驅
掠。鎖械甚嚴。至心念金剛經三日鎖忽自開。吐蕃疑

有奸。筆捷其以實對。復鎖之。念未終。又解。衆皆嘆異。
遂送出境。昔劉公安世嘗取楞嚴經。謂弟子馬永卿。
曰。觀音大士音性圓通。觀聽返入離諸塵妄。能令衆
生禁繫。枷鎖所不能着。謂人得無畏力。則枷鎖不能
爲害。吾友可以此理諭人。使後人不至謗佛。夫元城
從司馬溫公受學者。其言如是。可開俗學之眼矣。

出平廣記

唐吳思玄天后朝爲太學博士持金剛經日兩遍多
有靈應。在京有疾。有巫褚細兒。星下祈禱。言事如神。
思玄往就見細兒驚目。公有何術。鬼見皆走。思玄知

是經力倍加精勵。日念五遍。見病無效。思玄至心。念經三日愈。又曾於渭橋見一老人。鬚髮皓然。着粗綴服。怪問之。曰。爲所生母也。因言母年四十三時。有異僧教云。汝欲長壽否。但念金剛經。母發心日念兩遍。終一百七歲。殃及鄰母。誦之並過百歲。余遵母訓。年已九十矣。出報應記

唐呂文展開元三年。任閩中縣丞。雅好佛典。尤專心持誦金剛經。至三萬餘遍。靈應奇異。年既衰暮。三牙并落。忽牙生如舊在闕中。時屬亢旱。刺史劉浚令祈雨。纔持一遍。遂獲沛狀。又苦霖潦。別駕又令誦經。渐應時開霽。前後證驗。不能徧舉。出太平廣記

唐劉遂淮在汴時。韓弘爲右廂虞候。王某爲左廂虞候。與弘相善。或謂二人取軍情。將不利於劉。劉大怒。召詣之。弘卽劉甥。控地碎首大言。劉意稍解。王某年老。股戰不能辯。劉叱杖三十。時新造赤棒。頭徑數寸。固以筋漆。受杖必死。弘昏造其家。探之。無哭聲。又謂其懼不敢哭。直入臥內。王竟無恙。云。我讀金剛經四十年。今方得力。初被杖時。見巨手如簸箕。翕狀遮背。因袒示韓。都無撻痕。弘素不好佛。自此與僧來往。日自寫經十紙。積之計數百軸。後在中書。盛暑有諫官

以事謁見弘方洽沃寫經怪問之因具述王某事

出

與

唐臨安陳哲家住餘杭燒一練行持金剛經廣德初武康賊宋潭寇餘杭哲富於財將移徙避之賊尋至哲謂是官軍問賊今近遠賊大怒曰何物老奴敢辱我爭以劍刺之每下一劍有五色圓光徑五六尺蔽

哲身不能中賊驚嘆慚悔捨之去

出廣異記

唐開元間京兆武功丞蘇朗持金剛經闔門五十餘口歷年蔬食妻崔氏亦誦此經有親表見其因疾減食勸崔暫開肉禁因市羊肉啖之纔入一籌忽變爲

骨咽塞不下又不能出日暮氣絕以體煖未殮六日

方蘇云冥王言汝夫是大菩薩汝因食肉金剛善神變肉爲骨以此警汝合年七十爲汝受持金剛般若今增至九十放還氏因悔悟不再犯帝聞御注經文流布天下按唐玄宗開元二十三年親註金剛經中書令張九齡等請降御文內外傳授帝手詔報曰偶有所感疏其所見今請頒布仍慮未懶檢校沙門恩有請具幡花奉迎於敬愛寺以示天下宣付史館從之豈因蘇武功之事乎

出受持果報

唐開元十五年敕天下佛堂小者並拆除功德移入

側近佛寺。一時望風希旨。雖大屋大像。亦遭殘毀。敕到豫州。新息令李虛嗜酒偏強。方醉州符至。勒限三日。虛見大怒。便約胥正毀拆者死一界。並全歲餘。虛暑月病死。隔宿卽斂。明日將殯。母與子繞棺哭。夜久。聞棺中若指爪戛戛聲。斯須增甚。妻子驚走。母獨不去。卽命開棺。左右曰。溽暑恐壞。母怒促開之。而虛生矣。身頗瘡爛。沐浴將養月餘。虛曰。初拘攝至王前。王不在。見堦前典吏。乃新息吏也。亡經年矣。見虛拜。問長官何得來此。虛曰。被錄至。吏曰。長官素多殺害。不知罪福。今受報奈何。虛惶懼。請救。吏曰。長官界內。

佛堂獨全。有大功德。雖死亦不合此間追攝。少間。但以此對虛方憶及往事。而主者已引虛見王。王命索善惡簿來。卽有人持一通案到。太至合抱。王命啓牘。唱罪。階吏讀曰。專好割羊脚。吏曰。令杖一百。仍割其身肉百斤。王曰。可。虛曰。去歲有敕。拆毀佛堂佛像。虛界內獨存。可折罪否。王驚曰。審有此乎。新息吏進曰。有福簿在天堂。王命吏登殿前垣南樓上。檢取未至。有二僧至殿前。王問師何所有。一曰。嘗誦金剛經。一曰。嘗讀金剛經。王起合掌。請法師登堦。王座後右金座。左銀座。王請誦者坐金。讀者坐銀。開經誦讀將畢。

忽有五色雲至金座前。紫雲至銀座前。二僧乘雲飛去空中。遂滅。王謂階下人曰。見二僧乎。皆生天矣。時吏檢福簿至。惟一紙讀曰。十五年敕毀佛堂。新息一縣獨全。合折一生之罪。延年三十。仍生善道。言畢。罪簿中火出。焚盡。王敕兩吏送歸。出城南門。見夾道皆高樓大屋。男女雜坐。樂飲笙歌。虛好絲竹。悅之。吏謂曰。急過此無顧。顧當有損。虛佇立觀之。店中人呼曰。來。吏曰。此非善處。既不相信。可任其去。虛未悟。至飲處。人皆起就坐。奏絲竹酒至。乃一杯糞汁也。臭穢特甚。虛不肯飲。卽有牛頭獄卒。出於床下。又刺之洞胸。

出紀聞

虛連飲數杯。乃出。吏引虛南入荒田小徑中。遙見一燈炯然。旁有一大坑。昏黑不見底。吏推墮之。遂蘇。夫李虛素性兇頑。罔知罪福。以被酒達戾。致全佛堂。原非從佛起見也。狀猶身得生天。火焚罪簿。非護法之報乎。若能日夜精勤禮誦。旣持僧律。復行佛事。而不脫離生死者。未之有也。二僧生天。誦經勝讀經者何。誦者背也。無經文在前心逾靜耳。

出紀聞

唐天寶年中。常州義興人吳達。每日五更佛前誦金剛經七卷。禮拜念佛。有詩曰。五更鐘動莫貪眠。抖搜精神向佛前。一拜一聲彌陀佛。花池已種一枝蓮。年

至九十二無疾告終。引見冥王、自述從幼至老專念金剛經。王合掌命坐。達朗誦一卷。方念至舍衛國口。中卽出妙香。見佛顯現。王喜曰。君有般若功。敕送生舍衛國中。承品官後。享富貴。福子孫。達過舊舍。空中報兒女曰。吾得經力。生舍衛國汝等宜受持金剛法。華陰府深敬此二經也。若不能受持。以諸花香恭敬供養。得福無量。更慎勿殺生。能放生。得長壽。報兒女聞之悲哭曰。不用傷感。人生世間。有一善可懇命盡。如夜眠天曉。還覩日月。一向在惡中行。必入黑闇。勉之。言訖不見。出金剛證果

唐王待制船至漢江。風濤洶湧。檣傾楫斷。人盡驚怖。待制不得已。以平日持誦金剛經。投江中。遂爾風息。波平。待制深憶此經。鬱鬱不樂。踰兩月抵鎮江。見舟尾百步許。有物如毬。出沒無時。衆異之。待制命漁人網取。乃螺蛳。結聚成團。剖之。則外濕內乾。漢江所投之經。在焉。待制嘆曰。漢水會於九江。至南徐。動數千里。舟船不可計數。經得至此。異矣。夫以恒情度之。不過待制憶經一念所感。乃宋清了禪師。則曰。螺蛳見經不捨。其爲名耶。利耶。財耶。色耶。必求脫輪迴生死者也。嗚呼。萬物惟人最靈。有舉世不聞是經。有聞而

不見見而不信。信而爲名利財色役其心。不能受持者。孰謂之最靈哉。讀此又增一警策。出金剛證果。

唐建德縣令李惟燕。少持金剛經。天寶末。爲餘姚郡參軍。秩滿北歸。過五丈店。屬上虞江埭。值水竭難行。中夜晦暝。四曠無人。此路舊多盜。惟燕舟中有吳綾數百疋。懼爲賊取。因持一劍。至船前誦經。三更後。見堤上兩炬火。自遠至去。船百步却廻。心頗異之。益厲聲誦經。復念水竭。當得水助。時內塘竭而外塘滿。半夕後。忽聞船頭有流聲。驚曰。塘濶數丈。何繇得破。不久。之覺船浮。及明河水已滿。對船所一孔大數尺。乃知

水火皆金剛神力所助。云惟燕弟惟玉。見任虔州別駕。效兄誦金剛經。後泛舟出峽。水急。橹拆船將沒。乃

出廣異記

力念經。忽見一橹隨流而下。遂獲濟。

唐孫明。鄭州陽武人。世貧賤。爲盧氏莊客。絕葷持金剛經。日誦二十遍。經二十年。後正念誦時。忽見二吏來追。明謂是縣吏。便偕往。可行五六里。至一府門。值王出巡。吏因閉明空室中。甚幽暗。經七日。王至。吏引明入見。自陳二十年持金剛經。王言此大因果也。延算二十年。令吏送還。已殯矣。神雖復體。家人不知。會

獵者過其棺前。聞號呼聲。報其家人。剖棺得活。天寶

末年事。旨宗起曰。多才之人。自迷識神。不悟本性。萬緣交擾。八面應酬。一念來。一念去。如空中風。無依止處。如石壓草。旋止旋生。安得志誠持誦。卽談經說典者不少。往往功闕行虧。着相隕根。良可痛惜。孫莊客廿年持誦。信心專念。其植果甚深。政在混沌。不鑿故妙喜云。若使聰明靈俐。無擔荷。出廣異記

唐大曆中。夔州推司楊旬。常持金剛經。正直積善。子年二十三。將應試。忽夜夢金剛神曰。汝子改名楊椿。中第六名。次年赴省試。又夢試題行王道而王。中九十六名。殿試出。又夢云。汝子策不中主文意。置第三。

甲。吾於御榻上換第一。名矣。此汝生平來念。經積德之報也。夔守聞。旬子中殿元。賜坐。令解職。答曰。旬家無資產。惟勉積陰德。留得三囊。乞取開看。第一箇有大錢三十九文。第二箇有中錢四千餘文。第三箇計萬數小錢。守問之。旬曰。每年鞠勘死囚。詳其情理可違定爲流。卽投一大錢。有犯流罪者。定爲徒。投一小錢。有犯杖罪者。量輕或釋放之。便投一小錢。又效周簷行太上感應篇。十種善業。一收遺棄嬰孩。情人看養。俟年稍長。還其父母。二每仲冬朔。收貧困無依者六十已上。十五已下。日給升米養之。又與錢十五文。

至季春聽其自便。三施應驗湯藥。救人疾苦。四施棺木。周急無力津送之家。五女婢長大。不計身價量給適人。六持殺生戒。遇物買放。七每遇荒年。貴糴賤糶。賑濟貧民。八修造寺觀橋梁。九資助窮旅還鄉。十身任推司。每遇囚犯。無不矜恤。今微倖得子一第。或亦旬奉公行善所致。豈敢遂爾退職公門。而自求安逸耶。守聞言嘆服不已。語云。一命之士。苟存心于利物。必有所濟。况行之不倦耶。以陰隲得殿元。視爲兒孫作馬牛者何如。出金剛證果

唐政和中。真州石匠孫翁。每日持金剛經三卷。一日

同二十餘人入山鑿石。山崩盡沒。惟孫在石罅處。歷十二年。子孫鑿石穿山見翁。端坐容貌如故。子驚拜問。何以得生。翁曰。嘗持金剛經。問饑否。曰。初啖一餅。至今不饑。翁曰。我昔所誦之經尚在否。子曰。尚在。還家取經視之。經上有一圓孔。恰如餅大。出金剛證果

唐坊州宋參軍少持金剛經。及之官。權寓司士宅。宅素凶。每夕恒誦經。忽見婦人立戶外。宋問非鬼耶。然。又問若有冤乎。婦人泣告曰。身是前司士婦。司士奉使。其弟見逼。不從。遂被殺。以氽裹屍。投堂西北角。溷廁中。久欲陳訴。俗人見形必懼。幽憤難白。執事以

持念爲功。大庇含識。眷言枉穢。豈不憫之。宋云。吾職卑。當爲白上官。及明掘地及洞。不獲尸。宋誦經婦人。又至。曰。西北只差一尺耳。依言獲之。壇內但存餘骨。洗濯移之別所。其夕又來拜謝。曰。深恩難答。冥昧有知。君二子小者有後。且有榮位。兼言宋後改官。當遷桂州別駕。皆驗。宋問何不報讐。云。其弟今尚爲官。命未合死。是以未也。昌宗起曰。婦人訴冤於叅軍。寧愛此委蛇哉。蓋欲藉經力拔沉淪也。至於命未合死。是以未報二語。尤堪醒世。每見亂臣賊子。無不以惡因得惡果。而曹阿嘯。秦繆之醜輩。內惡絕世。延祚考終。令

人致疑於因果之無定。不知特數未盡耳。一旦眼光落地。累劫輪迴。地獄之苦。雷斧之災。牛馬蛇虺之腹。業報政。不知何時得滿。此婦餘骨雖出廁中。異日未必不索債於地下也。

出廣異記

唐張鎰相公。先君齊丘。虔奉空王。每旦更新衣向佛。念金剛經。十五遍。積數十年。不懈。永泰初。爲朔方節度使。衙內有小將負罪。懼事露。乃扇動軍人數百。謀叛。齊丘退衙。閒步廳前。忽有兵數十。露刃突入。齊丘遽奔宅門。過廳數步。廻顧無人。疑爲鬼也。將及門。其妻女奴婢復羣呼云。有兩甲士。身出廳屋上。時衙隊

軍健聞變持兵直至廳前見十數人垂手張口棄兵於地遂擒之五六人瘡不能言餘者具首云欲上廳忽見二甲士長數丈怒目叱之忽然中惡齊丘聞之感佛神力遂斷酒肉持誦終身凡在家居士一面誦經一面應世跨兩頭馬操作輶心卽一日數遍者尚不可得張節度每且十五遍積數十年每年約有五千餘卷善根熟矣怒目甲士卽金剛善神摧伏自其餘事出鳩異

唐陸康成嘗任京兆府法曹掾不避強禦公退忽見亡吏抱案數百紙請押問曰汝去世何得來此曰此

幽府文簿康成視之但有人姓名無他事吏曰皆來年兵刃死者問曰有我乎吏曰有因大駭曰舊吏得無情乎曰故來啓明公耳惟金剛經可解卽失之康成遂讀金剛經自數十遍明年朱泚反署爲御史康成叱曰賊臣敢干國士泚震怒命數百騎環射之康成默念金剛經矢不能傷泚曰儒以忠信爲甲胄信矣乃捨去康成遂隱終南山不復仕出太平廣記

唐崔寧大曆初鎮西蜀時會楊林反健兒張國英與戰射中腹鏃沒不出醫曰一夕必死家人將備葬具與同伍泣別國英常持金剛經至夜夢胡僧以一丸

藥投之。及旦。鴻箭鏃出瘡。便合瘥。

出報應記

唐徐圯家巨富。充浙西府吏。每夜五更。誦金剛經三卷。方入公門。有賊百人。劫其家。縛圯箭射。圯云。金剛不壞身。今如之何。須臾見佛現空中。發箭百無一中。

賊驚問。知其爲誦經之感。遂釋之。衆賊皆棄兵改行。

合觀康成箭帽集而不傷。國英鏃沒皮而得活。乃知在必死中。仍有全生之捷徑。

出金剛證果

唐大曆中。太原偷馬賊。以舊怨誣王孝廉同情。拷掠旬日。苦極強服。推吏疑其冤。未卽成獄。孝廉專持金剛經。聲極哀切。晝夜不息。忽空中墮竹一根。兩頭有

節。墜獄中。正在王前。他囚爭取之。獄卒驚疑。對衆榜視。乃金剛經中半偈云。法尚應捨。何况非法書蹟甚工。賊首悲悔。孝廉得釋。獄不通風。此竹從何處來。兩頭有節。此經從何處入。豈思議所能及。安得不令賊人悲悔。

出鵠翼

此至愚是聯真鑒相言承也

唐大曆十一年。衛州別駕周伯玉。日持念金剛經。公私不易其心。一日忽見梵僧來。問曰。是何尊者。答曰。吾是般若會上須菩提也。汝誦經數年。惜未斷肉。若果至心求佛。非長齋不可。伯玉自此蔬食誦經。後預

事前知。至九十坐化。

出金剛證果

唐任自信嘉州人貞元十五年曾在湖南常持金剛經過洞庭湖中忽有異物如雲冒舟上俄頃方散舟中遂失自信不知所在久之乃凌波至云至龍宮謁王命昇殿念金剛經贈珠寶數事二僧相送出宮一僧憑附信至南嶽觀音臺付紹真師云是汝和尚送來令轉金剛經比至嶽見紹真知附信和尚滅度已五六年矣

出太平廣記

唐太常卿段成式曰貞元十七年先君自荆入蜀應韋皋南康王辟命洎韋暮年爲劉闢讒構遂攝尉靈池縣韋等薨闢知留後先君舊與不合聞之連夜離

縣至城東門闢等有帖不令諸縣官離縣其夕陰風昏黑出郭二里見火兩炬夾道百步爲導初意縣吏迎候且怪其不前高下遠近不差將及縣郭方滅及問縣吏尚未知府帖也向先君念金剛經已五六年並無虛日所見導火乃經所著迹也後闢逆節漸露詔袁公滋爲節度使成式再從叔少從軍知左營事懼及禍與監軍定計以蠟書通於袁事發悉爲魚肉賊謂先君知其計時先君念經夜久不覺困寐門戶悉閉忽覺聞開戶而入言不畏者三若物投案爆然有聲驚起之際音猶在耳顧視左右吏僕皆睡俾燭

四案初無所見。向之門扃已開闢矣。先君受持此經十餘萬遍。徵應孔著。成式近觀歷代傳記。足徵感應。又先命受持講解金剛靈驗三卷。日念書寫。猶希傳照罔極。摭拾流通。以備闕佛事號。金剛鳩異。成式父諱文昌。心空朱氏曰。唐世豪傑之士。皆去而主法席。蓋當其時。內而妖牝邪雄。外則叛藩悍將。皆手懸富貴。以鼻息籠天下士。士之無識者。爭趨焉。顧可以效龍檻象乎。趙州臨濟諸人。皆具王侯將相才。而息心皈佛。大機大用。煞活自由。無俟外學相助也。是以金剛果報記載。自晉迄宋。惟唐最多。因上有太宗玄宗之御注。大轉法輪。故朝野士庶。無不承風向道。雖以傅奕昌黎。堅排痛毀。如蚍撼大樹。無損分毫。假太常文章識力。杜礎一時據所舉夾道雙炬。自明自滅。門局忽啓。有言有聲。家庭之實。見實聞詎。道聽而耳食者哉。鳩異一書。誠般若金湯矣。出鳩異

唐憲宗元和八年三月。河南節度使吳少陽。出巡各郡。舟行間。遠視一驛夫。足不蹈地。問其姓名。對曰。小人全信。爲公差捉充驛夫。問何生理。答曰。夫婦賣酒。腐營生。素食三十餘年。每日持誦金剛經三卷。得閒念佛。又曰。汝所看金剛經。肯賣否。信曰。可。吳曰。每月

金剛指馬經
計銀一兩三十餘年共與汝三百六十兩何如卽取銀與信吳再視之信登岸足着地矣至九年閏月十五日吳病被拘執忽天降一金剛神叱鬼曰此人買有般若經功不得繩縛旣數終任散行可也鬼吏跪曰諾吳醒告妻子曰我生不持齋罪業甚大舊年途次買全信經力罪減一半爾等亟宜奉持金剛莫到臨終時悔是遲也更囑以延僧虔誦救我冥中之苦言訖而終出金剛證果

唐強伯達元和九年家房州世傳惡疾二百年矣伯達纔冠卽患風癩瘍父兄曰疾必不起慮貽後患父

兄棄糧置之空山巖下泣而去絕食未幾忽有僧過傷之曰汝可念金剛經內偈四句或脫斯苦伯達受教念不絕口數日間忽見一虎至伯達懼甚但瞑目至誠念偈虎遍舐其瘍冰冷如傅藥了無他苦虎去而瘍漸瘥矣明旦僧復至於山邊捨青草一握授之令就澗水浸草洗瘍伯達嗚咽拜謝僧推其背去去後洗之風癩如脫歸見父兄親族無不驚異從此傳染之疾遂止出報應記

唐嚴司空綬元和中在江陵時溧陽鎮將王汚常持金剛經因歸州勘事回至咤灘船破五人同溺污入

水若有人授竹一竿隨波出沒三百餘里至下牢鎮
着岸不死視手中物乃受持金剛經也

出鳩異

唐吳可久越人元和十五年可久居長安奉摩尼教
妻王氏亦從之歲餘妻暴亡經三載見夢其夫曰某
坐邪見爲蛇在皇子坡浮圖下明日當死願請僧就
彼轉金剛經脫免業報可久夢中叱之妻怒唾其面
驚覺面腫痛不可忍妻復夢於夫之兄曰可於園中
取龍舌草搗傅之兄寤取授其弟立愈詰且兄弟請
僧轉經有大蛇從塔中出舉首偏視經終而斃可久
舉家飯佛誠奉此經差夫世亂則邪教繁興今日之

長生無爲涅槃等教通國若狂從之按可久妻王氏
奉摩尼教而得蛇報卒以正可治邪轉誦金剛經飯
依正等正覺爲解脫之門亦可喚醒謬迷矣

出報應記

唐邢行立陝州人爲商不識一字長慶初嘗隨善友
口授金剛經一年始能背誦偶販布帛三百貫出同
州過嶺遇賊持刀追逼棄箱篋投嶺下深澗中忽見
金剛神以手指行立便覺身在水上如履平地行李
僅重五六十斤賊舉之不能起相視驚異招行立扣
問汝果有何法術對曰吾生平只虔誦金剛經出入
不離耳賊發囊出經五色光現衆皆合掌悔過盡捐

凶器出錢百貫請經持誦誓不作賊天下不識字人
讀經每優於識字人以其無雜想也背誦經文恒優
於看本誦經以其能攝心也佛門始進工夫要在攝
心一處

出太平廣記

唐郭司空釗離蜀之年有百姓趙安嘗念金剛經行
野外見衣一樸遺墓側安以無主遂持還隣人告趙
盜物捕送縣縣怒安不承以大關挾脰折三段後令
杖脊杖下輒折令疑有他術問之答云惟念金剛經
及申郭亦異之遂判放還其妻云某日聞經兩中
震裂數聲懼不敢發安馳視之帶斷軸折紙盡破裂
恙

出報應記

唐倪勤梓州人以武略稱太和五年典涪州典教倉
素持金剛經倉有惡子面江稱勝槩勤設佛像讀經
其中六月九日江水大漲不至廳下勤讀誦益虔泊
水退周視數里牆屋盡以淹沒傾壞惟此廳與倉無
恙

唐乾符中兗州節度使崔尚書法令嚴峻一軍將衙
參不到卽令左右斬之斬後顏色不變衆咸驚異是
夜三更歸家妻子疑爲鬼軍將曰初被斬時如醉如
夢不知痛苦夜覺身倒街中遂起還家耳明日入謝

崔咤曰。爾有幻術耶。答云。素無幻術。但自少至今。讀金剛經日三遍。昨日失曉。誦經過期。故悞衙參。崔問記得斬時否。云。初押出戟門外。便如醉夢。都不記憶。崔又問經在何處。云。在家中佛龕函內。急令人取到。開函。經已兩斷矣。崔大驚悔。慰諭再三。賜衣一襲。銀書此經一百卷。誦讀供養。仍令於兗州延壽寺門外。圖畫就戮之處。及斬經之像。以顯靈跡。軍將壽至一百四歲。出太平廣記

唐甯勉雲中人。少勇善騎射。能力格猛獸。不用兵杖。時北都守壯其勇。署爲牙將。繼以兵四千。令守飛狐城。值薊門帥驕悍。棄天子法。反書聞闕下。文宗詔北都守攻其南。未至而薊門兵夜襲飛狐。鉦鼓震地。城中人心洶洶。咸求暫退。勉自度兵少。固不能折薊帥之鋒。將聽父老之言。慮得罪天子。欲堅壁自守。又虞一邑之人盡屠。賊手深憂而策未決。忽有謀者告曰。賊潰散矣。勉卽登城瞭望。時月頗明。見賊衆馳走顛躄接踵。若有大軍追擊其後。勉大喜。不知救兵從何處來。開門縱士卒逐之。生擒數十人。得遺甲器械甚多。先是勉好浮圖氏。嘗閱佛書。喜誦金剛經。旣敗薊帥。擒叛黨鞠之。曰。是夕望見城上有大將四人。長二丈。

金剛力士
丈餘雄悍可畏。下城執劒驅殺衆人驚怖走避。敢有
關心乎。勉悟四將乃金剛神也。益自奇之。後官御史
中丞爲清塞副使。出宣室志

唐張政邛州人。開成三年七月暴亡。初見四人來拘。
行半日至大江甚廣。度深三尺許。細看皆膿血。便小
聲念金剛經。使者色變入城見僧長八尺餘。罵使者
云。汝何得亂捉善人。使者驚拜及引見王。僧上坐。告
曰。政係本家弟子。妄被拘來。王曰。待略勘問。僧色怒。
王卽判放還。僧自領出城外。不復見所渡之水。僧曰。
吾是汝所宗和尚。須菩提始知持經之力。合掌叩禮。

僧曰。弟子合眼以杖一擊。不覺失聲。乃活死已三日。
唯心熱故家人未就殮也。

出報應記

唐房翥生平崇信覺王。每日念佛持金剛經。一日暴
死至冥司。主者謂曰。據案簿君有般若功。且曾勸一
老人念佛已生淨土。君承此福力亦合往生。翥曰。余
發願誦金剛萬卷。今尚未完。俟畢願往生可也。主云。
誦經滿願固爲好事。不如早生淨土爲佳。知其志決。
遣吏送還。出金剛靈應

唐陳國竇公夫人盧氏。芮公寬姊。素信罪福。常誦金
剛經。未竟忽頭痛。至夜逾甚。自念儻死。不得終卷矣。

力疾索燭。而火悉滅。忽見燭炬漸升堂陛。直入臥內。去地三尺許。無人執持。光明若晝。夫人驚喜。取經讀誦。有頃。家人鑽燧得火。燭光卽滅。自此病痊。日誦五

卷。一日。芮公將死。謂夫人曰。吾姊誦經精格。冥司記注姓名。增遐壽矣。後年至九十。無疾終。出法苑珠林

唐永泰初。豐州烽子其母常念金剛經。烽子暮出。爲党項縛入西蕃易馬。蕃將贊普令穴肩骨貫皮索。以馬數百蹄配之。經半歲。馬息一倍。蕃將愛其了事。賞以羊革數百。因轉近牙帳。令執纛。左右有剩肉餘酪。輒與之。居半載。因與酪肉悲泣。不食。問之。云有老母。

頻夜夢見贊普聞之悵狀。夜召帳中語云。蕃法嚴無放還例。我與爾有力馬兩匹。於某道縱爾歸。無言我。也。烽子得馬極驥。俱乏死。晝潛夜走。數日爲刺傷足。倒磧中。忽有風吹物過其前。攬之。裏足不復痛。走如故。及豐州界。歸見其母。母悲且喜。曰。自爾被掠。惟念金剛經。以祈見爾。今果如誓。因取經拜之。縫斷。亡數幅矣。烽子因道磧中傷足事。母解視所裏者。乃經也。瘡亦尋愈。凡世間孝慈最能感格。幽冥寘烽子子母。更益以金剛神力。故能使猛毒蕃漢如贊普者。倏回惡意。漸轉喜心。假馬縱歸。卒得母子重逢。異矣。狀贊普

帳中數語不減子情不壞國法豈非宿因大有慧根者乎

出鳩異

唐廖等觀知善化縣時有婆每日誦金剛經於街市乞食夜則歸宿山阿忽數日不見羣鴉噪集於其止處人爭往視之則懷金剛經傍巖而化羣鴉銜土以覆之遂名鴉葬婆

出湖廣通志

唐何軫妻劉氏年二十六歲生一男三歲一女方周滿夜夢入冥司判云來春三月命終覺後憂泣遂繪佛斷草晝夜虔持金剛經惟願得滿四十五歲兒女娶嫁死亦瞑目至三十八歲娶媳及四十三歲嫁女至太和四年冬恰滿四十五歲矣劉悉捨衣資供佛遍告親戚死期已至軫以魅語不信至歲除日劉自請沙門受戒沐浴更衣跏趺一室高誦金剛經畢寂然長逝惟頂上熱氣灼手軫依僧禮葬塔在荊州北郭世人暫時發心學道未幾又復退轉究其因緣有三種累無論男女僧俗各爲身口眷屬家計所累忙了一世苦了一世又因此三累起了無量貪嗔癡造種種惡業只是不悟那知此臭皮囊不由你作主炎天暑月一箇健漢夜間忽得急症而死到天明便看聞不得至於眷屬誰能替代眼光纔合各不相識隨

他受用家計一毫也。將不去何不撥轉念頭一心學道此善知識一字一血至言也。

劉氏欲完婚嫁持念金剛是爲眷屬所累非能頓空塵念者但佛教中最

重一信故雖見未明了亦生勝處

出荊州志

唐康仲戚於元和十一年別母往海東數歲不歸其

母唯一子日久憶念有僧化食母具語之僧曰但持

金剛經兒卽回矣母不識字乞人寫經乃鑿屋柱以

貯之加漆其上晨暮敬禮一夕雷霆大震拔此柱去

月餘兒果還携巨木至家見母泣拜母問之仲戚曰

唐楊氏江淮人宋衍妻衍應明經舉元和初至河陰

縣因病廢業爲鹽鐵院書手月錢兩千娶氏爲妻甚

賢安居無事年餘有爲米綱過三門者請衍同去通

管簿書當月給錢八千文衍以告妻妻止之曰三門

險惡利不勝害衍不納而往果遇暴風擊沒羣船惟

衍入水捫得粟藁一束漸漂至岸餘數十人皆不救

因祝曰吾命藁所賜也誓存沒不捨抱之疾行數里

投宿於老嫗茶舍。具白其事。嫗憐之。爲設粥。明日於屋南暴衣。解曬其藁。於中得一竹筒。開之。乃金剛經也。愕。狀不解。其故。嫗曰。自汝出門。汝妻蓬頭叩祝。求人寫金剛經。持誦誠切。故能救汝。衍感泣告歸。嫗與米二升。指東南一徑曰。此去二百里。後日可到家。後二日果達河陰。見妻媿謝。妻問何以知之。衍盡述本末。妻益驚異。衍乃出經與妻涕泣頂禮。又問有記否。妻曰。寫時執筆者。悞羅漢羅字。維上脫四。遂詣護國寺和尚請添。和尚年老眼昏。半字獨黑。十日來不知所去。驗之悉如所說。越日往謝老嫗。其人及居。皆不見。詰牧豎曰。此處水漲無涯。何人鬻茶數歲。後鄭相國綱留守東都。召衍問前事。授其男武職。月給俸五千。因求其經。至今爲鄭氏所尊。奉岳州刺史丞相弘農公。覩其事。遂敘之。合觀康母宋妻。一以禮拜爲奉持。一以寫念爲拯救。經藏屋柱。母所爲也。經入竹筒籍。誰手乎。柱木投波上。賴有雷神。水門如奔馬。豈容粟藁。自非設室授餐。步步接引。不死於溺。亦死於饑矣。

出楊媛徵驗

唐貞觀末。僧明度慈濟爲心。勤修淨業。日誦金剛般若。爲課有鵠巢於屋檻。乳抱二雛。度每以餘粥哺之。

復咒曰。乘吾經力。羽翼速成。離忽學飛墜地。皆殞度
憫瘞畢。旬餘夢二小兒曰。兒等本受卵生。蒙上人育
養誦持迴向。今幸轉生人道。距此東十里間。某家是
也。度默誌之。約過歲餘。往其家詢視。果雙生二子。度
因呼爲鶴兒。二子相視嘻笑。如熟識。

出金剛靈應

唐永徽元年。釋明濟暴死。見二青衣引見冥王。問一
生何藝。濟答以但誦金剛經。王曰。善哉。若誦十萬遍。
明年必生淨土。弟子不見師也。乃放還。濟愈加精進。
至二年三月坐化。咸聞異香。經云。衆生愚鈍。觀不能
解。但令念聲相續。自得住生淨國。明師精進發異香。

是也。

出金剛詮果

唐乾元年中。廣州僧虔慧。自幼受持金剛經。無間寒
暑。後與十數人泛海。往南安都護府。風濤大作。舟人
覆沒。惟虔慧在浪中。偶遇蓬蒿。一叢以手緊抱。隨浪
三日夜。得至岸。解視蒿中。則金剛經一卷也。虔慧拜
持彌進。年至百三十歲。端坐告終。其經本。自由香煙
漸成五色雲氣。徐徐上升天界。僧衆與太守官僚。遠
近老幼。咸見之。

出金剛詮果

唐三刀師者。俗姓張。名伯英。乾元中。爲壽州健兒。性
至孝。以父在潁州。竊取官馬迎省。至淮陰。爲邏者所

得刺史崔昭令押市曹處斬。創手連斫三刀，自折刺。史問曰：汝有何術？答曰：年十五時卽齋食誦金剛經者十餘年。以世亂從軍，遂輟。昨罹不測，惟至心念誦爾。遣人開函，經已作三段，遂得釋罪。出家時人號爲三刀和尚。經曰：我若向刀山，刀山自摧折；佛語了狀而天性至孝，其種子也。若心作逆而口誦經，何異蒸砂作飯。出廣異記

唐長慶初，荊州僧會宗姓蔡，嘗中蠱，體削骨存，發願念金剛經以待盡。至五百遍，晝夢有人令開口，喉中引出髮十餘莖。夜又夢吐大蛇，長一肘餘，病尋愈。荆

山僧行堅見其事，姚萇河間王之癥瘕，乃六世餘殃。悟達師之膝癰，爲十代冤債。此謂定業。第患不得道耳。得道則何定之有？故河間卒逢玄俗，悟達終遇諾迦也。會宗之業定否，未可知。而能消垂危之蠱毒，信道足勝魔矣。出坊異

唐江陵般若院僧法正，日持金剛經三七遍。長慶初，年六旬，得病卒。至冥司，王詰問答，以嘗念金剛經。王揖上殿，令登繡座。念經七遍，侍衛悉合掌階下，拷掠論對皆停息。聽誦畢，遣吏引還。王下階送云：上人更得三十年，在人間勿廢讀誦，勉出生死。隨行數十里。

至一大坑，吏自後推之。若墮空焉，死已七日，惟面不
冷，今享年八十餘矣。荊州僧常靖親見其事。出鳩異
唐釋靈幽，在京大興善寺出家，長慶二年，暴亡七日。
未殯，自見二使者引見冥王，敕問所作，以一生嘗持
金剛經爲對。王合掌賜坐，命幽朗誦一遍，地獄諸苦。
一時停息，誦畢，又問幽曰：「經中尚少一章，師算合終。
今增壽十年，歸勸世人受持真本。」在濠州鍾離寺石
碑上，幽還魂具表奏聞，敕遣中使往濠州，碑上無法
可說，是名說法後增爾時慧命須菩提至如來說非
衆生是名衆生是也。補闕真言與石碑真本俱自冥

府傳授，世世衆生有佛引其前，有閻羅鞭其後，始知
佛與閻羅都是慈悲功德主。出中馭乘續集

唐盧弁，有伯任湖城令，自東都赴省，夜宿邸中，夢見
黃衣吏攝入冥。將見判官，會有使至出迎，吏領往一
所，其屋上有石壁，下無梁柱，內置大磨十數部，傍有
婦女百餘人，磨恒自轉，牛頭卒，又擲婦人入孔，隨磨
而出。血肉淋漓，骨亦粉碎，號痛之聲，慘不忍聞。弁見
湖城伯母亦在其中，驚問此等受罪因何。伯母曰：「坐
生前妬忌，死受此報。」又痛求曰：「汝素持金剛經，急爲
我誦，或得減罪。」弁因至誠念經，磨遂不轉，受罪者俱

獲少息。卒持父前向曰。何人來此誦經。轉法度。厄弁對曰。欲救伯母。卒曰。急稟主者。判官仍遣黃衣吏送弁與伯母還陽。初弁唯小奴同行。見其死已半日。驚惶無措。甦後至湖城入門。遇伯方禮懾諷經。伯母迎執其手曰。不遇汝。骸骨已入磨中矣。今得重生大乘。與汝力也。

出廣異記此則應入善男子

唐天寶間。張無是居布政坊。暮歸門閉。蹲伏大橋下。夜半忽數騎至橋。云一騎至布政坊。取張無是妻。及同曲王叟。又一騎往某處取數人。無是聞之大驚。俄取者至。云諸人盡得。唯無是妻誦金剛經。善神護之。

故不得唱。所得人名皆應。無是素識王叟聲。亦應。俄鼓絕急歸。見妻猶端坐誦經。妻曰。吾恐汝犯夜誦經。相待。忽聞南鄰哭聲。則王叟死矣。無是以所見告。妻夫婦大懼。遂發誓持長齋。日誦般若四十九遍。得

不死。

出記開此則應入善女人

金剛持驗紀上卷

終

金剛持驗紀上卷

竟

歷朝金剛經持驗紀

荆溪周克復重朗纂

宋紹興二年宋承信居秀州華亭縣患翻胃疾數年

百藥無效忽夜夢一梵僧謂曰汝有宿冤今生受此
病苦凡世間男女風癱勞鼓盲聾瘡瘍疾病纏身經
年累月伏枕臥席求死不得者其魂多攝在陰司考
較前生今世所作罪惡若能奉施金剛經或自他書
寫或畢世受持纔舉心念遂感陰府官曹先放魂魄
附體次遇良醫其病即愈承信睡覺省悟明日令妻

焚香發願許施金剛經一千卷復志心受持隨夢金剛神賜藥丸令吞之次日病減月餘全瘳見者聞者合掌贊嘆夫衆生從無始以來起諸無明造諸罪業由六根而生三毒作于惡而感于灾種種栽地獄根縛冤對結世豈有種黃連而不苦者哉承信盡心受持識消智長施經于卷罪滅福生般若是良藥如來是大醫王勿當面錯過

出金剛證果

宋蘇州朱進士平生學舉子業未聞佛法偶遊虎丘寺聞佛印講金剛經至一切有爲法四句喜未曾有因欲叅究全經旨義偶午睡夢青衣押五人朱隨其

後行二里許至一大街竟入巷門內掛青布簾人家至廚房桶內有湯五人皆飲朱亦將飲青衣喝曰聽佛法人不得飲遂驚覺乃信步行至大街入巷果有人家與所夢合朱扣門入主人具言廚房生六犬內有一死者朱驚怖流汗自謂若不聞佛法入大胎矣因專持念金剛經壽至八十九歲八月望日遍請諸山道友晤別登後園樹枝上說偈曰八十九年朱公兩手劈破虛空脚踏浮雲粉碎立化菩提樹東遂化去旨宗起曰人生五濁數十年一日十二時中一念一動作惡造業剎那間不知凡幾大約一生之中貽

數世之業業愈多則劫愈深。宋公若一失足。大業滿時。又不知復輪何物。語云。一失人身萬劫難。又云。此身不向今生度。更向何生度。此身朱公得聞佛法。在聞佛印講經。故如來最重爲人演說。出金剛證果

宋淳熙元年。楊州府承局周興。自幼日誦金剛經。一卷太守莫濠差齋幣千餘貫。往行在壽朝貴。至瓜州渡。郁三店投宿。三與兄郁二謀財害命。埋離店五里路旁。興因違限。妻子禁責一年矣。及太守被召。赴行在。將抵瓜州路旁。忽見蓮花一朵。令從者折之研之。不斷。掘地四五尺。見花從死人口中出。眼猶能動。熟。

視之。乃興也。掖歸。次日方能言。具述客店謀害。埋地十八月矣。太守問。何以不死。不飢。答曰。謀死被埋。昏迷如夢。見一金剛神。將蓮花挿口中。沉睡至今。太守嘆曰。嘗聞此經有不可思議功德。自愧禁其妻子。且念平日所理公案。豈盡無枉耶。卽移牒楊州府官釋典妻子。拘郁二弟兄成獄。奏聞。郁二郁三處死。觀此死埋地中。口內尚生蓮花。則至心持經不亂者。其身坐蓮花臺上。又何疑哉。出金剛證果

宋紹興府寄居郭承恩。將之溫州叅軍任。詣天寧寺。焚香發願。挈家九口。到任之日。力行方便。設禁宰牛。

俟考滿回家。金書。金剛經。一卷。恭入佛殿供養。比三年考滿。與同僚司法元珍。買舟涉海還鄉。叅軍眷屬居前船。司法居後船。至紹興府界。風濤大作。四面昏黑。見海內鬼神。鑿船爲兩段。前船順風抵岸。後船沉溺海中。蓋司法受賄徇私。叅軍奉公執法。又承金剛力耳。報應之理。善惡既分。禍福立判。一船鑿爲兩段。更爲奇特。郭叅軍到任三願。誠風波中大法船也。出感應記

宋范文正公。原籍四川成都。仕蘇州府尹。遂寄居焉。母亡三七。夢泣告曰。母以陽世造業。爲泰山府君所

羈日夕受苦難。言吾兒素孝順。乞誦功德經。一藏救拔母罪。幸勿遲疑。使母一入地獄。便永遠不得超生矣。去復回顧。囁云。功德經。卽金剛般若也。公昧旦驚哭而醒。卽沐浴齋戒。躬就玄墓禪林。延僧諷經七日。至第六日夜。又夢母曰。緣兒至誠禮懾。感白衣大士降凡。持經半卷。今母不但消罪。更得生天。皆佛力也。明辰。兒入經堂。詢之自知。公候法事完滿。備襯厚酬。衆僧因問第六日諷經。內有只持半卷者。衆俱失色。答曰。所禮經典。俱如數完。豈有只持半卷之事。旁有一僧。從容告云。昨日大衆念經。山僧倚立默看。至第

十六分條大人至拈香便歸廚作務今承問敢以直對公卽稽手下拜僧言莫莫忽騰空不見繙俗無不瞻仰公因是創設莫莫禪堂以誌靈異至今不泯出靈

山勝蹟

宋馮侍御日持誦金剛經三卷至二十八歲有他事疏奏是夜四更忽見兩使者追入冥府王曰汝壽合至七十九官至樞府緣汝奏劄損民當絕祿除算馮驚愕告曰某旣陽壽未盡乞賜再生誓當畢世持經力行陰隲王誠諭曰凡當權柄可置一簿日間作事夜必書之旣不可書必不可作此延年術也纔舉善念惠民恤物必增福壽稍懷刻剝上帝隨有嚴譴矣馮旣再生陰德日著壽至九十八官拜丞相忽一日臥疾其第九子方十一歲出廳前見牛頭馬而無數駭問何來鬼吏答曰吾等特來迎接閻摩天子予以所見白父父笑曰生爲上柱國死作閻摩王是吾職也頌曰休將訟筆逞文華廻禮空王樂出家已發一心歸大道不須六賊苦攔遮歡同妻妾終成疾位至公卿一似花從此晚年憑慧劍願將名字寄丹霞索浴更朝衣坐化又頌曰大洋海裏打鼓須彌頂上開鐘業鏡將來爍破翻身透出虛空馮公以宰相爲問

摩固是正報亦非上果狀每日三卷金剛不能敵他事損民之一疏吁可畏哉

出金剛證果

宋柴注青州人爲壽春郡司理因鞠謀命獄一囚言離城三十里歇客爲生每過客攜囊重獨宿夜分殺之投屍於白沙河中前後不知若干人惟謀一老嫗不得注問其故囚曰是年老嫗獨來投宿某與兄弟見其行李不薄至更深遣長子推戶久乃還云若有入抵戶不可啓某不信携刀自行及門穴壁窺之見紅光中一大人與房上下等背門而立某驚懼失聲幾於顛仆天將明門方啓嫗理髮誦經不已問何經

曰金剛經也乃知昨夜神人益金剛

云出金剛靈應

宋德祐丙子崇政華家山華友常持金剛經甚有靈驗是歲大元軍馬至友以避難密禱於佛是夜金剛神賜夢云爾前生殺人未償其人今托生和州歷陽姓王名二現在軍中爾當死其手數不能救趨避無益友次日端坐誦經不輟近午有二人入將友縛之大呼王二相公我當死汝手一死不爭容誦經畢便就戮軍問何以知我姓名友以夢告王二曰旣金剛神托夢我與汝解却宿冤何如復留衣別去友遂誦經數卷忽無疾坐亡嗟夫大數已定雖宿結之冤恨

已消而莫逃。一死狀得免。首領安狀坐逝。豈非善神救護之功哉。

出金剛靈應

宋湖州城南屠戶陸翁。年二十三歲時。見一雲水僧。稱教化有緣人。陸不領解。僧云。汝殺猪羊無數。何不改業。陸曰。承襲祖業。遽難棄捨。僧曰。不改。則後世必墮此類。觀汝宿有善根。何不受持金剛般若。及妙法蓮華經。消除惡業。言訖。忽不見。陸遂省悟。誓不宰殺。素食授師。繪像一軸。每日就佛前誦金剛經。懺悔惟願所殺衆生。蚤生淨土。未及五年。自能暗誦。年八十。預知卒日。沐浴端坐作頌。而化頌曰。六十餘年。

專殺業手。提刀秤暗修行。今朝得赴菩提路。水裏蓮華火裏生。人生非善卽惡。更無別徑可容參半以行。我輩日嘗間。自安自便苟且依違。若以爲無有大過。卽此便足直入迷塗。故狠惡之人。放刀證果爲力反易而習氣薰熟。不陰不陽似夢似醒者。一刀兩段爲力。反難。出金剛證果

宋荊州江陵縣李玄宗女。十三歲時。夢一梵僧謂曰。汝有善根。何不持念金剛經。又云。世間善男子。善女人。每日淨心能誦一卷。陽間增壽命終。卽生天界。若能究竟般若。直到涅槃彼岸。卽或未達經意。死去陰

府亦不能拘錄當生富貴家受諸勝報玄宗女信之遂日誦金剛經三卷年二十四不願有家忽患傷寒三日卒冥王照勘無罪及見女子頭上有佛顯現王云此女有般若功卽放還魂臨放時王囑曰汝父造業致先減陽壽二紀不久追來對證因汝父好取生魚切鱠今有魚七千餘頭狀訴索命歸問汝父每夜夢落網中畫則頭痛此魚求報也女還魂白父父驚無措遂偕女往天寧寺齋百僧斷除葷酒手書金剛經四十九卷書畢玄宗忽夢數千青衣童子向之拜曰我等被君殺戮訴冤索命今蒙寫經功德咸乘善力出離苦趣生善道矣君旣釋冤又添遐算後玄宗自此持誦益虔壽至百二十歲無疾沐浴坐逝十三歲女子便能信夢中之語一心受持不願適人較之壯夫耄叟親聆法座演說尚生疑謗豈不相隔雲泥乃玄宗悔過書經不特切鱠之罪業頓消已減之原算仍還而且冤結悉生善道遐齡更得善終此又孝女自度度親度物之弘力也出金剛證果

宋王廸功妻日誦金剛經至心向善廸功好鷹獵害衆生命一日獵罷歸家適值其妻念經因勸廸功同誦功德分第十五分未及終卷廸功竟詣廚房蒸炮

飲啖後五年。迪功中風。經年臥床。一日自見二使者追命而卒。見閻摩王怒責曰。汝受爵祿。何不福上增脩。却好殺害生命。滅算絕祿。令獄吏驅入鑊湯。鬼吏檢簿告王。此人殺業雖重生。前曾與妻同念金剛經。一分雖片紙重如丘山。合免罪放還。王敕於鑊湯內取一杓湯淋其背。使知警戒。因得再活。後患背疽潰爛痛楚。百藥不治。呼妻佛前代誓。不敢再傷物命。且願手書金剛齋素受持。迪功夜夢一僧手摩其背。匝天明其疽卽痊。彌勒尊佛曰。刀割衆生身上肉。自家面上要添肥。與你黃金千萬兩。誰肯將刀割自皮。

王迪功雖有半分經之善。因不得信女爲妻。能出鑊湯地獄哉。出金剛證果

宋紹興九年。明州王氏。日持念金剛經。懷孕二十八月。多病羸瘦。深憂難產。偶倚門立。一異僧示之曰。汝有善根。何不印施金剛經。千卷。王氏印施如數。又齋千僧念金剛。千卷。至夜三更。見金剛神以杵指王氏。腹及覺已。生二男在床矣。相貌圓滿。令人欣羨。王氏遂奉齋受持不輟。年至六十。一歲無疾而卒。見二使者引見冥王。自供從幼持念金剛。王賜金床。命坐殿側。朗誦一遍。地獄辛酸之苦。一時停歇。王又問。何不

念咒答云。世間無本。救鬼吏於藏中。取咒本付王氏。囑曰。汝至陽間。展轉流通。切勿遺墜。汝向後壽終。徑生極樂世界。不復來此處矣。王氏二七日還魂後。至九十一歲無疾坐化。其補闕真言曰。唵呼嚧呼嚧社曳穆契莎訶。一迴向。真如實際。心心契合。二迴向。無上佛果菩提。念念圓滿。三迴向。法界一切衆生同生淨土。悲哉世人。兩眼睛光落地。渾如大海去撈針。三寸唉氣纔回。依舊西風過驢耳。那得如王氏持經不懈。不負真言傳授。流通至今。出金剛證果

宋蔣大士江華縣人生熙寧甲寅二月廿七日所居

近舜祠。從幼以親炙聖容爲幸。每過竭誠禮叩。旣長孝父母。睦兄弟。誦金剛經。崇寧癸未五月。豁然頓悟。遂別父母妻子。就浪石寺立壇演法。踰年回首至期。七日前盡蠲火食。升姹岩。趺坐而化。其徒於寺立塔。至今真身不壞。真身較之偏空執見成斷滅之相者遠矣。

出湖廣通志

宋道寧禪師者。潭州開福寺僧也。壯爲道人。於崇果寺執浴。一日將濯足。偶誦金剛經。至於此章句。能生信心。以此爲實。遂忘所知。忽垂足沸湯中。後祝髮蔣

金剛持驗紀 下卷

山依雪竇老良禪師一年徧歷叢林參諸名宿晚至白蓮聞五祖小參舉忠國師古佛淨瓶趙州狗子無佛性話頓徹法源大觀中潭師席公震請住開福衲子景從政和三年十一月四日淨髮沐浴次日齋罷小參勉衆行道辭語誠切期初七示寂至日酉時跏趺逝闈維獲舍利五色歸藏於塔蓮池師云得道人預知時至蓋娑娑緣盡淨土緣熟自狀聖境冥現如遠公七日淨觀師二十七日之類是也世人生無實德死欲效顰扭涅裝點取笑識者甚則生身活焚附鬼着邪流入惡趣尤堪憐憫古人往生從無活焚其

軀者願智人普以告世救諸愚民

出受持果報

宋嵩明教游康山托跡開光法席主者以其少年銳於文學命掌書記明教笑曰我豈爲汝一盃姜杏湯耶去之居杭西湖三十年杜門不妄交嘉祐中撰輔教編定祖圖正宗記詣闕上之翰林王公素權開封復表薦於朝仁宗下其書於中書宰相韓公參政歐陽公閱其文大爲贊嘆書賜入藏遂名聞天下晚居靈隱每清旦誦金剛不輟夜分誦觀世音名號臨終安坐微笑索紙作偈曰後夜月初明予將獨自行不學大梅老猶貪鼯鼠聲

出金剛靈應

宋釋清虛立性剛決。作事多戾。忽廻心誦金剛經。無有懈怠。嘗於山林持諷。有七鹿馴擾其側。聲息而去。又鄰居失火。連楹灰燼。惟虛屋殿欹飛過略。無焦灼。長安二年。遊藍田悟真寺北院。舊無井泉。遠取於澗。運致極勞。時華嚴大師法藏。聞虛持經靈驗。乃就請祈。泉卽入彌勒閣。誦金剛徹夜不息。至三日後。忽見玉女三人在閣西山腹。以刀劃地。虛熟記其處。掘之果獲甘泉。四年。少林寺坐夏。山頂有佛室。甚寬敞。人不敢到。云鬼神宅焉。有律師持其戒行。夜往念律。見一巨人。以矛刺之。狼狽下山。又有僧持火頭金剛咒者。時所推重。令賚香火。入坐持咒。俄而神出。以手握手。足拔之澗下。七日不語。虛聞之曰。下趣鬼物。縱惡至此。卽往彼持十一面觀音咒。夜聞堂東有聲。甚厲。又如兩牛爭鬪。佛像皆振咒。既無效。還誦金剛般若。須臾影響皆絕。自此居者無患。神龍二年。詔入內祈雨。七日雨周千里。溝澗皆盈。屋牆盡沒。其院水至卽回。諸異驗不能盡述。出金剛靈應

元無聞聰禪師。汝水香山人。至元元年辛巳。資福寺無礙長老請師註解金剛經。三十二分。時有紫雲覆寺。旣畢。法座庭前連產五色靈芝。數本所註。經流通。

金剛指掌經
至、今、聰、師、每、分、註、解、外、各、綴、頌、語、開、人、天、眼、透、金、剛、
山、宜、有、紫、雲、瑞、芝、之、應、亦、有、刻、經、而、板、中、流、出、舍、利、
者、皆、智、慧、人、自、結、智、慧、果、非、佛、菩、薩、故、現、神、通、出受持果報

明永樂間、楊州如臯縣、城北三十里、有孫公廿二者、
長齋建菴。晨昏莊誦金剛經三十卷。始是者四十年。
時當草昧、邑瀕於海、無城郭、豺狼爲害、或往來村墟。
聽經聲輒俛首去偶颶風大作、隣屋皆蕩折。公誦經
如嘗菴歸狀無恙、室無扃鑰、諸檀那所施米穀錢帛。
勿論僧俗遇乏槩分給之、深得不住布施之義。逝後、

鄉人立祠菴祀。二百餘年以來、每值春秋祭賽、巫祝
必諷誦金剛經以妥其神。今郵亭曰孫公舖者、其遺
趾也。出受持果報

明宣德間、川西鶴觀道士陳入玄、志求長生、精思日夜禱神授法。夜夢一人形貌異、嘗自稱執金剛神。謂玄曰、爾求長生、速往瓦山、禮智融和尚、當授汝法。玄如言、往懇指示、融云、不見金剛經、一切有爲法、如夢幻泡影。如露亦如電、應作如是觀乎。玄問云、既如夢幻、何謂長生。融云、若見諸相、非相、卽見如來、又云、卽非如來、是名如來。玄於言下大悟、遂辭隱於瓦屋山。

虎踞巖不廢玄攝。日必誦金剛經。凡滿數藏。歷春秋。九十有八。一日集鄰居隱者告曰。吾始求仙長生。今竟幸得佛長生矣。願諸公得我所得。言訖。瞑目而逝。也。菴中許宦爲四川觀察。親紀其事。

出巾馭乘續集

明嚴江相城皮工也。中年棄業於佛寺擔齋飯。在路上持金剛經。併念阿彌陀佛。不絕聲。年六十餘。忽絕粒。飲水一月。乃言曰。我當以某日某時去。至期沐浴更衣。跏趺而化。焚之得舍利數合。其舌堅如金石。扣之有聲。時正德十三年事也。至柔莫如舌。心堅則舌。

堅此金剛不壞之實證

載相城志

明正嘉間。滇南周廷璋號楚峰。性淳朴。皈依佛乘。生不識衡量。治家不計生產。有無而雅好施。有輒散之。貧者人與語多笑。或謔之。或至詈辱之。亦笑。每晨起必誦金剛。彌陀。觀音。經。各一卷。時欣狀自得。曰。吾豈是爲行資哉。吾不離日用。不涉貪愛。庶幾如是而已。嘗晝寢。疾有胡僧入室。合掌作禮。倏不見。家人憂之。謂翁且逝矣。俄而疾愈。年八十七。以清明日上塚。訣辭祖考。還謂其婦唐孺人曰。彌陀迎我。觀音室利亦至矣。又明日曰。觀音食我一芋。謂我勿茹葷。齋五

日可西行也。自是每食一粥一蔬，至期沐而冠，令子弟誦七寶如來名號，自誦經，端坐而逝。翊日體香潔如生。

出金剛靈應

明嘉靖間，少保戚公繼光爲副總兵，以倭亂提兵守禦三江，素虔持金剛經。雖在行間，不廢一夕夢陣亡親兵某云：明日當令妻詣公，乞爲誦金剛經一卷，以資度脫。旦日兵妻果來，如夢中語。公次晨齋素爲誦經訖，是夜兵妻夢夫語曰：感主帥爲我誦經，但其中夾雜不用二字，功德不全，尚未得脫苦耳。兵妻明日復以夢顧公，大訝。因憶誦經時，夫人遣婢送茶餅至，公遙見揮手却之。口雖不言，而意中云不用也。公時以語幕客，事遂傳焉。滇徹庸禪師曰：予病中作夢，神人持一簿云：此是錄誦經雜念者罪過。余接按之，皆書誦經攬雜俗念人等姓字，并罪過也。余亦在末篇讀已，稟狀又謂余曰：若一卷經攬雜兩個念頭，試思一生所誦經，應攬雜多少念頭？忽狀夢醒，汗流浹背。吁！此僧俗持經之炯戒也。屠長卿曰：通州顧少司馬養謙，爲人高才倜儻，夫人先卒，廣修佛事。數年後，公有妾暴亡，經宿甦，哭不止。公問之，答曰：妾死入冥府，見夫人閉一暗室云：我在此苦不可言，急作功德。

救我。妾曰。夫亡後。相公大作善事。都無益耶。夫人曰。經懺薦度。在主者齊戒至誠。乃能滅罪增福。向者沙門持誦堂上。相公飲奕室中。何益之有。公聞之亦大哭。擇聘戒德名僧。清淨嚴肅。作道場三晝夜。此長卿目覩而筆之者。飲奕且不可。況酒肉乎。近北京鷲峰寺僧濟舟。一日有青衣者訪之。告曰。我地府無常也。某老嫗受地獄苦。不得脫。生前供養老師。今托求念法。華經一部。舟許之。隨於七月十五日。在佛前跪諷法華經。至第五卷。渴甚。覓茶不得。廚有冷酒。舟飲數口。仍至佛前。念完三卷。十六日無常復來云。老嫗承師經力。金光已射至地府。正將離獄。忽五卷經中滿地獄。皆作酒氣。仍不能出。舟聞之。毛骨竦立。發願至誠爲彼補誦。狀則飲酒食肉。持經適增業耳。出新異錄明嘉靖間。歸安茅鹿門傭僕馮勤。日者占其天。問一老僧。何以延年。老僧曰。若爲下人。無力積德。惟拾殘字紙。併念續命經。庶免短折。勤問續命經。老僧曰。卽金剛經也。乃置竹鑷竹籠兩事。日間遍歷街巷。凡穢惡字紙。悉鑷籠中。滌以香水。曝乾。焚灰包送。清流雖隻字不敢遺。忽夜歸跪念金剛經一卷。回向歲以爲嘗。後漸知書通文義。鹿門禮貌之家。道豐裕子二孫。

四壽九十五無疾化。書同文天下通行易便。三教經典無不賴此作踐者。既有惡報敬惜者自獲福因老僧教馮勤以延年。捨拾字念經別無他法道理實爲真切工夫尤爲捷徑。出新興錄

明顏光裕世襲業儒。一日同鄉紳耆老入金剛會聽經講論至暮而歸。踴躍嘆服欲究其旨以赴銓未暇後任太和縣事。忽病夢二青衣拘入陰府景象晦冥森嚴悽慘少頃見王執簿吏曰光裕陽壽已盡在生業重好殺恣意烹炙且好食牛犬卽有無數生靈對執索命王判押赴油火煎煉牛頭又入沸鼎祇見蓮

花遮體滾沸澄清鬼判稟王合掌請見果何功德化斯罪業令察善簿祇有持論般若一日之功植此金剛不壞之體王曰善哉延爾壽祿還魂普勸世人奉持返魂已經七日自後課誦不輟刻施金剛六千卷官歷大參年至七十臨終香聞里巷苦口囑戒子孫世代受持最上經典言畢而逝顏子六十六代孫博士仰廉記出金剛靈應

明崑山周少岳諱之程五十喪明其瞳子反背碧色畫如黑夜自以爲廢於世矣一心皈依佛氏以消宿誓每日清晨莊誦金剛經三卷誦則高聲讚揚客至

不爲禮積十五年。忽一日炳狀見物。旋見旋晦。驚疑未定。令家人視之。見左目眸子搖動。露光一髮。二月餘碧瞳。漸轉兩眼。清光盡復。比之少年。更能視遠。少岳感念金剛神力。誦經益虔。年至八十考終。其先代百十六歲。翁號壽誼者。多有隱德。太祖召見便殿。詔天下行鄉飲禮。自翁始。少岳其八世孫也。孫曰隆。百拜志願。伯念曰。此余邑中近事。童年卽聞之。今因集靈應。恐語焉而不詳。乃躬叩其孫隆甫。出此授余。採入以傳信云。

出金剛靈應

明陳明遠。興化軍人。嘗舉進士。過泗州。遊普照寺。見

老僧敝衣倚樹。讀青紙書。書有光射。百步許。就視則金字。金剛經係。以梁朝傅大士之頌者。僧顧明遠曰。子亦樂此耶。遂以授之。明年從父鑄官海陵。忽病死。將大殮。體復溫。移刻乃蘇。自言見四卒。深目虎喙。驅之西北行。勢甚暴。所經皆廣野。塵埃撲面。如在霧中。漸逼大河。府署嚴密。三卒先入。一守明遠。須臾一僧乘空而來。卽泗州所遇授經者。府主趨出迎之。旁睨明遠。僧呼明遠前使自懺悔。主乃詔吏放還。僧前導遊兩廡。見囚繫數百。更有禽獸諸蟲。悉能人言。與囚對辭。又坐沙門五六十人。前列敗壞飲食數十甕。途中

所遇。又見里中向日威勢孔灼。到此不勝狼狽。諸狀俄及前所過廣野。溪水漲甚。僧執杖端以木授明遠。挈之行。始涉亦淺。中忽深陷。因驚呼而甦。出明遠再生傳

明錢塘李時英爲南海欽州守。恒誦金剛經。隆慶丁卯爲分考官。於闈中病死。三月初見金甲神。欲鎖去。見泰山府君城隍土地咸在土地。以李誦金剛經故。堅不肯。押字金甲神怒。袖出火釘。長三尺餘。從土地頂門釘入。立見焚燒盡。俄復本形堅執不抑。如故。金甲神曰。當同鎖汝往泰山。旋見數鬼稱冤索命。呵。時英前世爲九江守。受賊殺人。正急怖間。憶誦金剛經。

忽見呂祖師乘雲而下。鬼俱奔逝。時英伏地乞哀。呂祖曰。還我老君丹來。熟視曰。業重。業重。可惜丹俱壞盡矣。汝誦金剛可求救。六祖忽狀間。六祖至。覩時英伏地。亦曰。業重。業重。待與五祖商量來。時英出一手。曳六祖袈裟片片飛。金光少頃。倏異香滿鼻。聞空中五祖六祖敕曰。誦經人且放還。隨見前金甲神復至。提時英一擲。汗下如雨而甦。時英出場。卽棄官歸。湖南淨慈寺焚修。晨起必誦金剛。超度冤鬼無疾終。出新

異錄

明萬曆初。侍中鍾公復。秀公遵。壽俱住京城羅家。

金剛持馬經 下卷

七

巷奉佛念金剛經別院淨室數間。二公聯坐誦持鍾家有二白鷺聞經聞念佛輒尾二公後作聲而行逐之不去昂首若聽行止皆隨木魚聲逾數年。二鷺並對經案立化。二公爲瘞於淨業寺後地號聽經鷺塚。昔淨影老沙門慧遠初在鄉養一鷺相隨聽經及遠入京鷺留寺中晝夜長鳴其徒送入京至寺門放之自能知遠房入馴狎每講經入室伏聽泛說他事則鳴翔而出合觀二案鷺之靈慧如此。彼誦經生雜想聞經若充耳者誠異類不若矣。出新異錄

明萬曆間蘇州楓橋盛在德從講師懸明受金剛經。

偶病歿追赴冥司則被仇鬼盛之化告郡城隍逮對也在德理直得觀冥獄釋還時見城隍降階諭曰我生前荊州人姓曹自登神籙我母張太君轉世三度矣。咸女身不育若代我懇懸明師虔誦金剛經月上女經各五百部我母轉男必矣。在德再生禮請懸明誦滿牒告管東溟作序紀之彌勒偈曰卽今現在雙親就是釋迦彌勒若能供養得他何用別求功德故。啖魔菩薩割目救親沉疴卽愈慈心童子發願代苦火輪立消黃梅養母有堂載諸方冊蓮池師云世間之孝三出世之孝一城隍已登神位猶狀度母轉男。

人子欲報劬勞何不破依大道

出楊若齋續集

明王津山陰人萬曆甲戌進士其伯父抱幼兒戲於門見臂帶銀鐲忽失之時泮父適在傍疑爲所竊泮父不平尋神明爲咒取金剛經足踐之泮爲諸生屢試高等不得第一日曉出城外見兩白鬚翁相語曰大善寺前秀才王津應登上第爲其父喪汙金剛經今削籍矣泮不知何故歸問父父語以前事泮大驚懺悔於佛前手書經一部是年登賢書歸欲再書一部未訖上春官被放至甲戌續書完經始得第赤水

屠隆目擊傳其事

出巾馭乘續集

明萬曆間四明屠公隆代推異才知青浦縣獄中驟有厲鬼亂獄囚囚有因而斃者獄吏以聞屠爲文以諭獄神曰神在鬼安得爾獄有冤死者官之罪囚何尤乃爇燎火庭內密焚金剛經一部而身坐獄至夜分明日問獄吏卒鬼杳狀遂絕蹟昌宗起曰囚卽未死之鬼鬼卽已死之囚鬼復斃囚業中造業且撓亂是在動處簸弄密焚金剛却在不動處降伏鬼杳狀而囚無恙幽顯俱度非赤水那能具此卓識

出受持果報

明海鹽漁戶張元與弟貞撤網夜歸至青松塘見水面有異光掩映星月疑其下有蚌珠遂沒水取焉得

石匣一枚啓之乃金書。金剛經。光彩異常。元置之家。堂中夜夢金甲神語曰。汝前生爲長水法師講壇作務人。因無道心。退墮至此。狀夙因未泯。賜汝大法。當精進持誦。元以不識字爲辭。神令開口。以金丸投之。香燄入腹。遂驚而覺。明日啓誦。熟如久習矣。時萬曆甲申年元叩達觀大師。具陳其事。師更勉以誦經。必回向西方。至丁丑七月。元謂親識曰。我殺業除。蓮臺現矣。無疾端坐而化。世間具有根器之人。悟亦易入。喚亦易醒。譬之以黍作飯。火候何難。又古來得道者多在愚鈍朴魯。而聰明伶俐者。反失之。張元兄弟。得多在愚鈍朴魯。

手在不識字上

出巾馭乘續集

明大司寇姜公寶。丹陽縣人在書室中。忽被二使追入地府。一官翼冠博帶。侍衛森嚴。問姜在生所作。寶未對。旁出一官對曰。此人惡多善少。當爲異類鬼使。遂携牛皮披其身。三不能覆。王怪之。官對曰。此人但聞金剛經題。餘無善業。姜哀懇求脫。如還陽世。終身持經。王因其悔悟。遂放回生。寶自此持齋誦經。折節繙聞。講究金剛大義。與人衍說不懈。一日告諸親曰。明年我當去矣。至期果聞天樂異香。合掌而逝。萬曆戊子。普門居士曹奉記。凡人誦經時。着一念夾。

雜心着一念退惰心便終身不能得力。姜公從墮落
倣陽後其諷持衍說必有大過恒人者故不特無明
罪業消墮而且預知回寂香樂來迎般若之靈應何
如。出中馭乘續集

明萬曆間金壇王公方麓病篤時煩躁其子肯堂進
曰大人平日存養功夫正於此際得力願澄心聽兒
轉金剛經方麓首領頤解命取經朗誦聽至無我相
無人相四句輒笑曰煩惱本無我相誰戀遂合掌長
逝古德有云至人念念定慧臨終安得而亂凡人念
念散亂臨終安得而定方麓先生宿稱有養病篤尚
爾煩躁不免狀能一撥便轉其從前之識力可知至
損菴公於至尊彌留之際毫不手忙脚亂從容勸親
聽經其終事大孝迥出俗情足爲人子法也昔文忠
歐陽公易簷時呼子弟誠曰吾少以文章名世方詆
浮圖邇來忽聞奧義方將研究正果不料賣志以歿
汝等勉旃無蹈後悔令老兵於近寺借華嚴經誦至
八卷安狀坐逝又袁公宗道暮年深悔所學所行無
關生死遂純提念佛往生以示人二公可謂終悟故
鄉消息者矣出受持果報

明沈濟寰居嘉興北麗橋開青菓店每晨起必持金

剛經或出外。則一袋貯經懸胸前。不曠持誦。萬曆癸巳冬。往洞庭山販橘。太湖中流。陡遇龍風。湖面昏黑。沈船漂蕩如葉。櫓楫盡失。巨浪如屋。高出於船丈餘。已陷沒水底矣。呼號間。忽有巨力。提船而起。拔出波間。夾送如飛。頃刻達翁家嘴。登岸。則岸人共見有兩金甲神行水中。左右擎船而來。船中人知爲金剛拯救。其感沈德號爲青菴。沈佛家。昌宗起曰。黃孽枝頭。有甚密菴。沈翁業菴證果。救已救人。纔不是自了漢。

出新異錄

明萬曆間。嘉禾沈公光華。嘗判兩淮鹽鐵歸田日。偶

與同郡運同吳公泓。閑坐從容。遁問日間所爲。沈云。晨朝茹素持誦金剛經。積二十年。已踰二藏。吳亦漫朕置之。居無何。吳忽晨起疾馳。詣沈。賀云。郎君南闈必第矣。沈問何據。吳云。夜夢神言。郡中一士夫以持金剛經功德。其子應得雋覺來。惟憶公當酬是夢。是秋沈公子應明果登應天鄉薦。傳聞沈公持金剛經極虔。行住坐臥不息。嘗往返東郭李子家。塗間一心持誦。又以無四相心修一切善法。累世積德。故子孫蟬聯科第。爲禾郡冠族。出新異錄

明嘉興莫晴虹。於經坊遇一晉陵人。請經。口中喃喃。

金剛指掌錄下卷

七

誦金剛經。觀其面目甚是可畏。因問公何因緣在路誦經。其人曰。我善刀筆。久爲代書。一日病死。至閻羅王所究。問生前過惡。逞辯不服。王命獄卒帶仇對悉至。質云。諸人被你狀詞累死。更有何言。我見無可抵飾。遂高聲念金剛經。王肅狀起立。愈連聲誦。念不止。王卽命且放回。仇對盡呼號曰。受冤幾載。無繇相報。今旣追到。決放不得。王曰。彼陽數尚未。因造惡拘來。今高聲誦最上乘法。冥府如何處置。姑放回陽。彼是惡人。待其貫滿。追償汝命未晚也。以此因緣。改行從善。且懼終逢仇對。故日誦金剛經。回向以超度之耳。

萬曆庚子秋九月。晴虹筆記。訟獄之害不小。刀筆之業最大。世多細事。參差片言。拂戾彼此。負氣不平。幸遇好人。從中勸解。忿恨便消。或投包訟。扛訟之家。便爾瞞天佈謊。希圖立准。立差。因之取利。那顧原被破鈔。傾家。且致訟中生訟。連歲牽纏。鬻妻賣子。不能了事。性命從此結果。悔無及矣。訟師構禍之慘毒如是。陽法陰法。毋容輕貸。晉陵代書。佯以誦經再生。若非回心向善。卽金剛經。能常作護身符耶。出新異錄

化緣行者誦金剛經。輒停腐擔聽之。牢記無我相。無人相。無衆生相。無壽者相。四句出入不忘。一日偶病。延僧誦金剛經。其胞弟軫。讀書穎敏。有文名。放僻不信鬼神。行多刻薄。是日以代兄禮懺。勉強從事。聞誦經至第十五分心。忽有悟合。掌稱讚。吾儒未嘗有此。自此信心三寶。萬曆十一年十月初十。軫患時疫。沉迷不省人事。旬日餘。獨胸前未冷。突於牀上霍狀而起。告家人曰。我被冥卒押至閻門外。李作坊家爲牛。身盡白色。見金甲神云。軫得聞最上乘法。大有信心。安得入此畜胎。以寶杵擊首一下。而醒。軫回陽。猶覺本定之。

頂門痛甚。遂與兄日夕持齋諷經。踰十三年。軫無疾先卒。七終。輒忽謂家人曰。明午聖人迎我往西方矣。次日至午。異香騰空。沐浴更衣。端坐而逝。此案因傳聞之誤。首宗起刻與王載生稍異。余叅顧。伯念靈應。

明萬曆辛丑。順城門內監張愛。晚年受持金剛經。

易簣。家人囑曰。莫忘持經。念頭愛心。服膺口不能答。覩二青衣押之。曰。汝當往山東投胎。其行若飛。日中

已到山東。見彼土山水。及受生父母愛。一心惟持經。隨押至一殿宇。心疑是東嶽。而無牛頭獄卒。殿上一

人冠平頂冠迎愛使前曰汝合到此地投胎愛稱某一生持金剛經但願往生不願投胎冠者曰汝持經功少愛云曾聞十念成就况某持經已歷數年乎冠者因顧兩青衣曰且送回持經愛死已九日心尚煖未殮復甦遂離家住西山碧雲寺耑誦金剛又十一年一日集衆云我以持經力今西去矣端坐逝佛能知羣有性窮億劫事不能化導無緣張監持經願往生卒得西去固願力相資亦是因緣成就

出新異錄

明嘉興府報忠坊范氏僕失記姓名居士王載生幼時見其每日肩菜擔行市中喃喃念誦不休聞其蚤

起營趁必先於佛前焚香跪誦金剛數卷始出晚必赴金明寺佛殿禮佛回向乃歸途次遇生命每減錢買放逢丐乞病者減口食施之家主與之妻不願遂聽出家投三塔大乘禪師雜髮爲弟子數年辛勤作務凡禪堂苦役悉身任之未嘗告倦忽一日示疾告衆曰我夙生以誦金剛怠慢故罰作人奴今限滿當往善地受生矣遽暝凡人誦經切須齋肅焚香專志諷持供奉經典必用錦袱瑤函潔淨几案毋得放葷酒雜處併携入婦女房中亵瀆之罪冥律最重范僕因怠慢金剛而罰作人役必其前生猶有善根故能

畢世禮誦以勤易怠以虔易慢往生善地感應信不誣也又每見常人忽厭雷擊神誅不惟旁觀莫知所以卽本家亦未悉其罪狀不知皆夙業有以取之或云旣是夙業何不當時現報而遺之來世是則甲作乙受茫無干涉奈何曰現報爲花來報爲果或福報未盡業力尚遲或現報難償世受罰若白起李林甫諸人是也知卽不知受則實受形骸雖換神識不改陰府固不分甲乙彼此耳

出新異錄

明萬曆辛亥間淮北大商胡斌關中人妻吳氏挾貲數十萬年四十好善而無子有僧化之曰爾能刻金

剛經施捨一藏定產麟兒艸慨如其言又施棺木一
藏并掩骼胔之暴露者如是者十餘年功行圓滿延
僧四十九衆建七晝夜道場忽夢神人告曰爾無憂
子之遲也上帝細察爾願誠否始終無替念否將擇
福壽俱全者以畀之越一載姬妾連舉三子皆聰穎
夫婦年踰七十家道益隆天下修善人最怕退轉渺
漏胡公願力雖弘上帝猶嚴體察善行純久自獲如意福因也

出申馭乘續集

明憲副項希憲初名德棻夢已爲辛卯鄉科以汙兩
少婢被主科名籍神乙去遂力行種德事捐貲懇友

高松聲精楷。金剛經刊板歲施之。凡十餘年夢至一所見黃紙第八名項姓中字模糊下爲原字傍一人曰審視此汝天榜名次也。因易名夢原。萬曆壬子中順天鄉試廿九名。己未會試第二名。共疑名次不合。迨殿試爲二甲第五名。方悟合鼎甲數之恰是。第八鄉會榜紙俱白。殿榜獨黃。尤爲寘定。云按昌公宗起萬曆丙午年十七卽信持太上感應篇。朔望莊誦無間。戊午臨場病瘍幾殆。比入闈昏昏如夢。夜懼燭目迷卷格。不知從何處下筆。出闈沉臥竟日。不記一字。榜後例赴學院親供。墨卷字字端楷。不似慣時筆信。

神助哉。已未下第始發願。增註感應篇。每註一段付梓。稿則焚之。神前因念好色損德尤甚。文人故犯者更多。特於見他色美起心私之條下備陳報應以助猛省。當日佐公繕寫。則辟疆之塾師南昌羅憲獄者。辛酉歸入泮。相別八年。戊辰新正二日。羅夜夢仙流三人。一翁蒼頰黃服中立。二少年披紫衣。左右侍老者出一冊左顧曰。爾讀來。左立者朗誦過。老者曰。該中。旋顧右立者曰。試詠一詩。卽應聲云。貪將折桂廣寒宮。那信三千色是空。看破世間迷眼漢。梅花一到滿城紅。老翁笑而去。羅竊聽知。此爲嵩少感應篇內。

見他色美二句註也。醒作書寄辟疆，榜發公果中，但未解榜花二字，及閱類書云：唐大中禮部放榜，姓僻者號榜花。今合觀項公事，始信功名子奪皆從色關，分別可不慎哉？大抵殺盜姪三案，姪根尤爲難拔，鋒刃在前，肉胸知惻，穿窬充類，自好不爲一漏慾海波中，便爾沒頂，甘心縱有紅顏白髮，恩情露水，與夫破產敗名，少衰中病，追悔無及，亦復不少，惟最易失足。魄攝魂飛在艷冶當前，勃然難制之，一刻此一刻內，王法不及加清議，不足畏名節不必顧，獨有因果二字，庶幾足以制之。就因果中，又止功名一途，足以奪。

之不過，片念忍持，遂能感孚天帝。較之半世黃卷青燈，與他途累仁積德，事半功倍如是。人非至愚，胡不痛加悔勵耶？否則獨擅風流，自稱情種，由此減祿，由此奪算，由此殺身，由此墮劫，又何苦以俄頃之歡娛，博生死之禍害乎？姪報既重，則防淫之功與導姪之業，其報自當不輕。近如烟鬟穢史，早登鬼籙；金瓶媒編，顯受譴罰；實事彰彰，深足令人思且怖也。出受持果報

明蘇郡五峰文伯仁，工於詩畫，待詔徵明之侄，偶訴逃僕，詣縣少憇民家，夢兩青衣達之意縣役也，隨行至一公府，殿宇弘敞，似非人間，始懼上有王者，呵曰：

訟汝者衆。奈何文訴平生乃學究無罪。王笑曰。忘之矣。卽令判官以一青丸摩其頂。寒心徹心。恍悟前身爲正統年間管長陵宦者。冬鑿池殺蠶蛇百餘俄有羣蛇攢囁焉。王又顧一判官曰。此一人耳。那能償此。無數生命。查彼多生豈無一善。判官出書數帙閱之良久曰。有之矣。永樂中。彼曾向雞鳴山廊畫羅漢二尊。又寫金剛經一部。王曰可矣。囑云。汝數未盡。亟歸寫經贖罪。度脫衆生乃寤。五峰素不信佛。自是發願寫經念佛。寒暑不怠。馮其區載之快雪堂集。顧伯念曰。五峰寫經僅一卷耳。且在數世之前。而數世後猶

出金剛靈應

賴以再生。經曰果報不可思議。如是如是。

明萬曆甲寅年二月。徽庶吳奕德隨叔闡生讀書臨塘寺。因叩普門大師有省。發願齋素書金剛經三十部。傳施。纔書三部。五月念九日。偶浴琴溪。得暴疾。一夜氣絕。因心熱。家人不敢入棺。闡生爲誦金剛經。越八日忽復活起。捧其腰。連呼跌痛不止。徐氣定。詢之云。我昨日浴溪中。忽見二青衣押我去。漸向幽暗處。同行罪人甚衆。冥卒各執鐵棒笞其背。惟我生前誦金剛經。得不笞。漸至黑海邊。海中似人似畜。奇形怪狀。頭出頭沒。驚怖異嘗。入一城。城內旁列柵欄。犯人

皆在柵內引領外望隨見亡過弟妹並來借銀分用更乞金剛經一卷曰家中爲兄誦經送銀來矣項果至遂分與之二青衣促我前行又進一小城視城外益狼狽刑用刀鋸非人間所有須臾至閻君殿前殿左曰四生司右曰四死司忽見一百八十餘人向我索命茫狀不省鬼判引至清水潭以水洗胸五臟皆見方知是前生爲將所悞殺也仍赴殿前辨理言陣頭悞殺豈能償還閻君震怒呼取極刑割狀地裂有火面碧身者從中躍出捧一大鎗沸滾油束我將投之忽聞誦金剛經聲有金光一道照至森羅殿上鬼

判跪云西方到閻君出迎見空中二巨人舉杵入鑄皆金蓮華沸起我發念若得生還卽償書金剛經願又發念三十卷外更書一百八十卷資度寃對聞堂上呼兩黃幘者送歸所行皆異前路漸達光明忽行一峻嶺兩黃幘撲我下覺趺腰大痛而起自是奕德全家茹素寫施金剛吳本如中丞記王載生新異錄與唐宜之巾馭乘稍殊按優婆塞戒經云若人以紙墨令人書寫若自書寫如來正典施人誦讀是名法施吳奕德發願書經卽得西方救免油鑄之苦所謂功不唐捐也或曰陣頭悞殺豈能一一償還昔禪師

宿生誤傷蚯蚓。果熟時欣狀賞以一命大兵所過玉石俱焚。慈慘一念分頭動關生靈千萬慎之念之出巾

馮乘續集

明天台王立轂字伯無領萬曆丙午鄉薦夢其父大中丞公士性諭之有十年五死之期已而事稍驗作紀夢詩乃於嘉禾三寶前誓奉長齋受天台殺盜姪妾四戒後任江西新淦縣令此事都廢戊午入覲啓行之夕復夢其父儆戒叮嚀心甚憂之一日舟次荻港漏下二鼓忽有二青衣持符攝至一處莊嚴若帝居同攝人數千滿庭中有着械者有衣冠者主者冕旒正坐左右二宰官各據案側坐傍侍者狀甚憚惡主者呼王名厲聲叱曰若陽算盡丙辰八月矣延至今者齋戒力也爾奈何棄之命取簿以示見名下年月皆有註至丙辰八月輒空轂覽畢叩首曰居官勢不得不爾主者曰固狀奈算盡何命驅入獄卽有憚狀鬼來若捽縛狀左坐宰官起立請曰試取破戒後事稽之須臾侍者肩兩巨簏至皆令淦卷宗也凡一揭一東并平日偶書方寸之紙俱在皆有氣騰上有黑色者青色者赤白色者主者命各檢一處先檢黑與青成聚次檢白聚赤聚已而青者漸隱黑者縮小

如箸而赤者赫狀獨盛轂旁睨聚中見所刻金剛般若及好生編社倉卷俱在主者覽畢聲稍和顧左官曰是尚知植德者損五官全其軀命可乎乃命前禪卒抉其目置殿柱上有光爛爛轂念目已被抉安能復視忽狀昏暗宮殿吏卒皆無所睹第覺有人拍其背曰速去速去少頃一跌而寤時已雞鳴聞家人環救聲問之云自二更遂屢不寤至今手足冰冷口齒堅合醫曰中寒厥灌藥凡七度矣轂張目見燈火如刺了不可開次日醫進明日藥其夜夢有人復以針釘目痛楚滋甚遂却醫藥決意乞休歸里後日誦

金剛法華經棄家修淨業庚申年一夕夢觀世音以楊枝甘露點其睛晨起禮懺豁狀見物兩目復明歷遊雲棲博山之門再生又十二年號壁如大師首宗起曰此一事可爲懲鑒者三一知破戒之必蒙譴一知植善之可續命一知居官者片言寸動皆爲冥吏所錄其青黑赤白之氣不可不時時在念也出自回生自記明閩州民龍義傭力自給偶省親疾見寫金剛經義無故毀斥之忽喑啞不能言醫禱無驗後又聞鄰人有念此經者痛自責曰我前謗經得此啞病今悔罪願終身敬奉未知復能言否自此每聞經聲卽倚壁

而聽專心月餘。一日入寺。逢一老僧敬而禮焉。僧問何來。義指口啞。僧曰。吾爲汝治之。以刀括舌下數次。便能語。因與誦經。聲同鄰人無二。再過候之。不遇矣。壁有畫像。甚肖焉。寺僧曰。此須菩提也。義始悟菩薩顯應。遂立誓終身捧持大乘畫像禮拜。

出筆乘

明蔡槐庭。楚人。守嘉興潔已愛民。長齋奉佛。公暇惟持金剛經。署內毫無長物。公體素羸。自言爲諸生時。遭危疾。貧無醫藥。與死爲隣。發願盡形誦持。是經漸次痊愈。得發科甲。今以餘生作官。誓願携此經而來。亦携此經而去。故竟任不畏強禦。視民如傷。食惟菜

腐。未嘗市肉。衣但布袍。未嘗市絹。每以是經併戒殺文刊行。勸化夫士方埋頭雪案時。矢志潔已愛民者。有之一行作吏。便落應酬賄賂之中。上有所需。勢不能不取之下。貪以酷濟慾。則不剛鞭撻呼號。竭百姓售婦賣兒之錢。曾不能博當途之色。喜可泣。也可嘆也。蔡公惟署無長物。故能視民如傷。不畏強禦。良足爲後人服官之法。至蒞任去任。只携金剛一卷。以視琴鶴相隨。止供娛樂者。更爲實際課程。

出新異錄

明萬曆中。黃梅汪公可受。於舟中禮梁皇懺。至第五日夜半。有一石匣觸舟。舟人以報公。取之啓視。內有

三十二分金剛經篆法各體目所未覩公携至北都
戊午勒石摩訶菴壁每分後各繫正書一段俱一時
名筆如黃慎軒焦弱侯董思白米友石邢子愿諸公
妙楷精鏤備極莊嚴士紳敲撚無虛日碑遂漫漶菴
住僧募貲構石思乞名筆重刊泰昌九月李少宗伯
騰芳敎習庶吉士夜忽夢仰藍神云摩訶菴有金剛
經勝緣乞公及門弟子完成李公次日詣菴見精石
二十板已磨礪在禪室矣時館中三十二人如侯蒙
澤何象岡劉蓬玄陳居一姚孟嘗顧允疇孔玉橫陳
秋濤諸公皆善書公特以夢語諸公各就石楷書一

分捐俸募名手刻完移置壁間復還舊觀昔東坡跋
勾信道書金剛經曰乙巳至今二十八年書經三十
二人逝者幾三之一惟一念歸向之善歷劫不磨又
幼子過書金光明經資母往生泣告東坡曰書經之
勞微矣敢望豐報要當口誦而心通手書而躬踐乃
能感孚佛祖濟拔冥幽此皆得書經之大義者吾輩
又不可不知也出受持果報

明萬曆間衛輝二府文襄南元發長洲人素性耿直
不信釋氏後因病夢遊冥府始知地獄非虛遂留心
內典尤篤信金剛每日早起莊誦一過家人伺其誦

至。上。十。分。後。卽。爲。具。餐。如。是。爲。常。與。老。友。王。公。洪。同。
同。在。林。下。相。聚。卽。背。金。剛。經。差。一。字。罰。銀。一。兩。故。兩。
公。念。誦。極。熟。日。或。數。十。卷。長。君。湛。持。公。震。孟。爲。大。魁。
亦。嘗。手。隸。金。剛。勒。石。有。嘉。定。吳。生。者。一。日。臥。於。館。室。
夢。入。幽。冥。惶。怖。無。措。俄。有。人。指。入。一。小。門。見。殿。宇。嚴。
麗。中。列。龍。藏。旁。有。甲。士。守。護。啓。視。梵。帙。莊。嚴。卷。標。
文。元。發。名。字。詢。之。云。皆。文。某。平。日。所。誦。也。覺。而。述。其。
夢。於。同。館。文。先。生。乃。襄。南。之。叔。方。信。靈。異。如。此。自。是。
吳。與。文。亦。持。誦。不。輟。吳。庚。生。曰。天。下。極。信。心。之。人。必。
從。不。信。心。始。大。抵。大。根。器。人。一。撥。便。轉。永。不。退。墮。如。

襄。南。是。也。有。等。半。信。半。不。信。之。人。不。陰。不。陽。最。可。憐。
愍。此。經。斷。疑。生。信。必。信。心。不。遯。方。爲。淨。信。方。爲。自。性。
金。剛。出。吳。庚。生。金。剛。果。報。刪。

明。萬。曆。王。中。丞。維。章。以。封。疆。之。誤。繫。獄。發。願。長。齋。日。
持。彌。陀。萬。聲。張。公。孫。振。往。叩。之。曰。盍。寫。金。剛。經。福。德。
尤。無。量。也。王。欣。狀。從。之。遍。搜。金。剛。解。叅。以。楞。伽。圓。覺。
諸。經。著。爲。標。述。草。創。始。成。王。已。奄。奄。臥。榻。問。張。所。以。
療。之。者。張。曰。公。壽。逾。甲。子。不。爲。短。矣。官。至。中。丞。不。爲。
卑。矣。且。殤。子。與。彭。祖。無。殊。也。圓。扉。與。第。宅。無。別。也。原。
赤。條。條。來。還。赤。條。條。去。當。下。卽。淨。土。也。王。以。手。加。額。

金剛標述囑張。是夜公夢梁侍御見賀曰恩赦到矣。且以其夢告人。遂跏趺化去。越數日梁侍御疏請緩刑。上可之。獨不免封疆等公宜首及者。幸先逝不遭刑戮。所謂恩赦到歟。後衆居士爲公禮懺壁上。忽現蓮花一本光艷奪目。此固衆居士梵舌吹成淨心印出。狀實王公標述金剛處。蚤有蓮花種子也。因爲公募刊廣布云。出吳庚生金剛果報刪

明吳門朱恭靖公家居時。有游僧乞食。斗粟一食。是辰僧連受三齋市人駭之。聲聞于公。公延入與語。僧善談因果。公曰不知吾輩可免否。僧曰冥報不擇貴。

賤智愚而平施者也。公欲知身後因果。合禱於所信鬼神。祈一夢。公留僧宿。如其言。有異兆。公夙興告僧。僧曰必持金剛經方可釋也。公乃勤誦此經。不懈。屢有靈驗。易簣前數日。告親曰。吾受金剛經益。此行脩狀轉生貴戚矣。八十一翁魯川曹胤儒誌。出金剛靈應明鄧少峯江西人生於嘉靖己酉年。每逢推命者皆謂其少子少壽。少峯遂發心誦金剛經。祈壽併祈子至崇禎壬午壽終九十五歲。生十三子三十六孫。出受持果報

明萬曆間桐鄉吳君平童。年能孝早失怙恃食貧館

靈隱寺韜光房累試不第。每念親恩難報。痛泣不已。有僧言人子欲報親恩。寫經爲最。君平遂發心茹淡。齋四十九日刺血寫金剛般若經一卷。兩臂胸前共刺十一刀。僧俗齊集觀血經。鮮明端楷。莫不嗟嘆曰。先生誠心苦行人世罕有諸佛靡不鑒馨功德允爲無量。以此而酬罔極。勝名之顯揚萬萬也。但補闕真言。未曾寫得。君平復于胸前刺一刀。書訖夜即夢見父母在雲端謂曰。賴爾刺血寫經。孝心感格我二人超生淨土矣。爾本無子。佛又遣一善童子繼爾嗣。其年果生一男。數月後試以葷物。閉口不食。君平亦誓畢生持齋誦經。身上刀痕班班現在也。出靈隱寺紀事

明吳縣至德鄉計仲偉裔出舊家。自幼志超塵俗。年十二父欲爲訂姻。不願力辭。至十七歲擇日將娶。復再四不允。避入山中。勵志苦修。信持般若金剛經。父母不得已。捐聘吐親。偉乃奉親命而歸。子狀一身。築室供佛。惟諷誦大乘經三十餘年。順治壬辰里有巨憝李禹吾。欺偉可啖。乘人命訟之於縣。縣令誤斷。酷刑議絞。聞者莫不冤之。最可異者。審時若聾若憤。並不辨答一言。次日親友進監問故。曰。我於彼時竟不在堂審事。又問夾打痛否。曰。我全狀不知痛苦。衆

其腿毫無所傷。但隱隱有金剛二字在上人稱可。莫不贊爲誦經之力。直指李森先按蘇母氏控冤得白。禹吾反坐斃於獄。今著有金剛解現付梓。

浙徐斗明

記

明太倉高貴居道觀巷業稍硬襯賣製鞋舖天啓五年六月壁間所褙之襯劃狀聲如裂帛飛入半空觀者如堵漸次墮落更有數片直飄向北城外普同塔始下僧取視之悉爲金剛經紙蓋因貴不識字收取雜紙舊布不分淨穢以之作襯爲人踐履圖利而不知造罪故天神震怒顯示儆戒如此當今惜字者少

社中舉行更力狀而珍惜者少。褻慢者多溝渠糞壤之中棄擲狼藉不以爲怪不以爲罪稍有識人睹之心神俱憚家大人曾作十勸以導世今節略其文云一勸讀書有力之家延師肄業有資食報詩書倍易如量力糾集同心拾遺焚化所費不多植福更大一勸讀書無力之家貧賤乃士之常攻苦圖上進凡遇廢文逐日收置器中卽道途隨見遺棄汚穢亦不容當面錯過器滿付之烈炬投灰清流是謂不費功德一勸發達縉紳之家一介已登仕籍書香福澤已綿留神惜字須塞其源宜捐貲收買殘書散帙勿令

誤落愚人必遭狼戾。一勸現任服官之家疏表啓牘既繁。呈揭文移更廣。隨處禁諭書役不許。隻字輕拋。一切改抹諸稿併考試文卷事畢。卽昇炎火毋爲下人竊市敬字而更憐憫。腹笥尤爲大德。一勸公門吏書之家。一管得充效力。半命亦可榮身。所掌招詳案冊。汗牛充棟。作踐終遭天譴。敬崇日積陰功。欲爲身與子孫計者。所宜時刻醒惕也。一勸教授生徒之家。達以是道爲卿爲相。窮以是道爲師爲友。義理固爲道。豚文字亦代聖言。門以內人尚爾。不知珍重。乃欲責之。悠悠行路者乎。拭几席抹簡器悉應禁諭。弟子。

一勸釋道修行之侶。二氏設教。倍尊片楮。流通加慙。經懺符錄。出自西方法寶。太上靈章。非莊肅焚香。不敢披閱。捧持乃恣供蠶殘鼠。嗜漫不經心動。稱戒行精嚴。卽此懈忽已甚。如行者道人。隨緣募食。不若化衆捐貲。拾字人已均沾福益。一勸經坊書肆各店舗戶。覓利可以典家。積德方能裕後。每見經坊累經。卽以殘經書肆。包書動用廢書字紙。累物唯南貨藥材。尤甚更有製造爆竹糊窓覆甕。墮落汚泥。省費幾何。作孽重大。一勸書刻刷印等人。衣食所由仰賴。精神亦宜護持。往往騰梓様稿。捐棄如遺。割補差訛。踐踏。

無忘印板穢地。襍投陳編。久拋腐朽。藉以資生。不思愛惜。問心何忍。業報奚辭。一勸景德蜀山窯戶置器以供世用。堅緻毋取虛文。近造磁器。內外描寫花鳥人物不已。益以年號齊名。又有採錄詞賦。福壽佛字。時壺摹勒詩句。更精砂鉢刻寫心經。以爲觀美。日久毀棄。永遠聚寶可不慎哉。今觀高氏。稽觀之微。前勸詳矣。猶未及此。益見天下爲善無窮。造業亦無窮。斯家大人同善錄法戒書所由校梓不倦。殷殷問世也。

男石附記。

出金剛靈應

明嘉定李繩之。字受伯。給諫玉海公子也。素茹齋虔

信空王日誦金剛經。持準提咒。不忘崇禎辛未九月廿二日偕友人汪仲起遊城曲小徑。突遇一人持巨斧。至前扼其吭。斫十數斧。方走去。已而受伯故無恙。止左臂兩淺痕耳。時仲起及夾徑居人。皆驚睹之。少頃。家丁集。縛其人至官。乃莊僕甘寵。負租稅百金。度不能還。而謀害之者。邑令蕭山來公。方煒廷鞠。時問寵。何不直劈其首。曰。我是。時。第見蓮花數朵。不見其首。連斫不着。花只得斫其莖。不知僅傷臂也。出金剛靈應

明嘉興府角里街施嶧陽。平日與東塔寺僧有恒交契。嶧陽年六十五。雖老且病。跪誦金剛經。日必數卷。

爲嘗課崇禎丙子正月初八跪誦未終卷遠卒家人開喪受弔已三日將釘棺矣。嶧陽忽還魂言曰我死去以誦金剛力不歷冥王所竟留地藏王菩薩處適菩薩謂我有一卷經未竟誦放回急完可來此也。嶧陽氣息奄奄勢不能自誦復語家人必請有恒上人代誦他無益偶恒赴別請停一日須之及恒至嶧陽自掙起聽誦終卷舉手謝恒已笑化去。出新異錄

明杭城人張守誠字不易晝夜虔誦金剛經每出入以囊貯經懸佩胸前崇禎壬午年隨伴北上貿易途遇响馬同伴受傷張被一箭正中胸前經袋不致透。

心因得全命此黃心符叅軍語舍桺菴僧慧雨者心符一號定通禪老少讀三教書寄跡於商旅仕宦者二十餘年晚修禪行生平持誦金剛屢遭大難染危症悉得化脫。出受持累報

明蘇州衛揮使朱壽增字叔高持金剛經每日無間運糧入黃河巫言必宰牲賽河神否則有譴責壽增不可但日誦經必廻向河神而已一日大風雨龍鬪空中桅篷葦席捲盡萬艘簸蕩不可制壽增焚香誦經益虔須臾風止雨霽簡較所部數十百艘無一破漏者至通州寓舍每飯後必酣寢一室中一日偶不

成寐。甫步出梁壞室。領牀亦碎矣。壽增每向人說此。余誦金剛經之驗。

明唐宜之諱時。湖州人。以明經別駕壽陽。繼輔襄國。崇禎辛巳二月初二日。闖賊破襄陽。宜之投端禮門左井中。家人拔而出。氣絕復蘇。竊傷勦撫悽國負痛上疏。娓娓數千言。時銀臺徐公寶摩以字逾格。令汰之。本懷未暢。致奉提究屬余讞。余謂輔國與守疆異應。末減未幾三臺覆奏。悉爲昭雪。乞從寬典。宜之隨請假還里。而襄陽於季冬五日再陷矣。蓋宜之精通一般。若證不二果。舉家眷屬皆能背誦金剛普門品。晝

則各持夜。則共集佛前。善氣薰蒸。貫達幽顯。初不死於寇繼。不死於井。而終亦不死於法。則訖可思議者耶。昌宗起記。出受持果報

明如臯昌宗。字宗起。崇禎戊辰進士。童年列子衿時。輒喜誦金剛經。辛巳調補襄陽。當獻闖灰燼之餘。降兵窟穴於肘腋。騎帥嵎負於腹心。羽書日徵。夜不解帶。宗起亦自分終隕絕地。猶狀纂刻金剛。受持果報。乃以奄奄病骨。支撑三百六旬。瀕死者數四。幸免。卽法吏囊頭。公獨得生。全歸里。豈非金剛之慈蔭哉。

余輯持驗紀，閱嵩少自敘，採入集中。
明江都庠生高孝纘，字子高，號申伯。乙酉清兵破楊，
史閣部殉難。子高從容服衣巾縊，死於大成殿。順治
十三年，又五月，其同庠黃忠蓋子，自西門夜飲歸，過
學前，偶見一人從學中出，二絳紗燈前導，黃揖與語。
則宛狀明時巾服也。初利其燈與偕行，既而疑清時
焉得着明服，心悸之，辭別至再，不許。因問黃曰：「乃尊
安乎？」黃曰：「安。」敘生平甚款曲。黃旣及門，詢其姓名，曰：
「予高某也。」黃憶其已死，懼益甚，急欲叩扉自匿。高曰：
「兄毋懼也。予與乃翁爲密契，今有所託，煩爲傳語。吾
授者。」

文殊果請

明繡水錢永明室張氏，素誠心奉佛。日織一布，於布
機中誦金剛經十卷，以爲嘗課。一日正織間，誦至不
於一佛二佛三四五佛，而種善根已於無量千萬佛
所種諸善根句，忽停梭合掌。子婦覺其有異，呼之，則

已暝目坐脫。曾無一日疾病。時萬曆庚申年七月初四日也。王載生日正織布時。一心念經。如此織布。便是織經。時時念念只在般若之中。張氏允稱純修淨信者矣。忽焉坐脫。不沾疾苦。豈一梭一縷之所能致哉。出受持果報。

明劉道隆母李氏。年四十發心長齋奉佛。不解文字。不能誦經。修整靜室一間。供奉觀音大士及金剛經。朝夕焚香禮拜。念佛千聲爲課。雖酷暑隆冬。不輟也。冬天寒甚。家人以炭火置桌下。必揮使去之。捐資刻施金剛經。聽人禮請。每遇誕日。誠子婦母。置酒席。惟

禮懺一日。或三日。如此者二十有五年。將終之前一歲。用督紡所餘。延僧誦金剛經。大修功德。夢所奉大士持素珠一串示之曰。以此授汝。珠數乃汝往生淨土之期。夢中數之。得五十三顆。不解其義。至庚子五月十三日。忽告家人曰。吾今日往西矣。可舉家大聲念佛。助我西行。子婦輩皆坐榻前念佛。面西端坐而逝。道隆志曰。西方杳渺。愚何敢知。迺大士告期於一載之前定而有徵。斯亦可爲奉佛誦經之勸。出金剛靈應

明湖州府唐別駕時姪女歸海寧楊雲。雲能文蚤逝。夫家零替。別駕有老妾馬氏。善繡。佛女相依爲命。天

啓甲子隨至鳳陽官舍女嘗繡花鳥別駕曰汝既長齊宜繡佛繡經攝心三寶女發願繡金剛經未果乙丑正月十三日之夕陡狀昏絕馬氏進湯水不納遍體如冰鼻無出息者竟夜矣至天將曉忽自云我要繡馬問故女云黃昏就枕時自覺耳目口鼻無不流血水流遍地身臥其中又見從傍拯救者都無措手處忽金甲大神振錫一聲遂作响問我云汝還能記繡經之願否答曰能記又振錫一聲問云汝能繡經否答云我要繡遂得醒卽至心刺繡金剛經女素羸弱自是雖鍼工勤敏諸病不侵至崇禎壬申歲始得圓滿精巧密緻如筆寫綾上觀者驟難辨其爲繡也普賢廣無邊願海彌陀有六八願門上古諸佛先賢皆因願力成就狀發願必須滿願唐氏繡經未果雖非退轉已涉因循故昏曠中陡現惡相錫聲一振我慢頓除從此鍼鍼相續能從有像悟無相矣不得春風花不開花榮須感春風力請叅斯語出巾馭乘續集

明崇禎間譚工部貞默母嚴太夫人持家有法課諸子稟稟義方夫貴子貴布衣蔬食好浮圖言於金剛妙法蓮華晨夕禮誦晚歲則持華嚴日必一卷能爲子婦講解大意生平無病忽得疾卽知垂歿但時值

壬申暑丹起更衣沐浴禮佛曰某一生敬佛果有佛緣當今遺體氣息不穢隨跏趺端坐合掌而逝逝後七日顏色含笑如生喪次無一飛蠅時時香氣飄拂弔奠之衆莫不歎異工部自作傳紀天下最貴者珍寶猶有視爲身外之物者只此數尺色軀盡男婦智錦繡極華麗以潤色之不以爲費不以爲疚果得長留在世庶幾不負初心誰料一旦無常頃刻都成臭穢誠可嘆可悲也必如譚母臨終囑付數言方爲愛身榜樣寧直閨閣女子所當奉爲法座卽鬚眉丈夫

亦宜頂禮則倣

出新異錄

明秀水庠生濮可重妻王氏子女各一相繼痘瘍氏哭之過哀雙目成瞽遂專心持念金剛經凡數歲忽誦經次左目流水痛割如裂則豁狀明矣右目過數日亦狀因誦持愈篤夜夢佛語曰汝本無子以誦經故賜汝一子氏後果生子因名經賜晉宗起曰誦經一門懺悔一法消除五苦超越四生王氏子女雙瘍自是先世罪業菩提迴向破瞽添丁金經卽金鍼也

出受持果報

自餚持齋四十餘年供養三世佛像一軸檀香大士
一尊晨昏功課必誦金剛經一卷持諸品呪念佛千
聲炎寒不輟崇禎戊寅年其地疫癘盛行婿張世茂
接氏往居其家止携夫士偕行佛像仍留舊居氏每
日課誦回向注念虔切祝願此香直達佛所嗣母女
相依迅速三載辛巳春氏所居樓忽空中香繞數日
粉墻突現世尊三像莊嚴精妙畫工摹勒不及遠邇
詫傳瞻禮日衆或以淨巾擦之色愈光明乙酉春二
月氏忽告婿曰吾欲返故居將往西方矣入門卽灑
掃焚香叅佛誦經至第三日早沐浴更衣端坐念佛

午刻大呼佛來我已登蓮舟今西行矣別衆而逝年
七十有三迄今現像巍然今古未有余親覩其事
明弘治間嘉興府真如塔圯僉議大修時一頭陀僧
名懷林曳三丈長鐵鍊募二十餘年塔工始畢卽回
首於塔中至今肖像祀之頭陀初爲蘇州承天寺僧
飲酒茹葷蔑視戒律於暑月乘涼忽覩兩冥卒入繫
楮錠各若干幸稍緩期七日俟諸人拘齊偕往二卒
許諾頭陀泣告徒衆市楮錠焚之處分侍盡或曰真
如某禪師道行高水路僅一日程曷往求救頭陀如

言詣師。痛哭陳乞。禪師曰。此間塔將頽矣。汝肯誠任募化修葺。我當授汝法門。保鬼不能拘也。頭陀卽對佛發願。禪師手數珠與之曰。汝七日內勿睡。但住我房轉誦金剛經。中當知此處。卽爲是塔。二句足矣。頭陀如言。轉誦逾七日。兩冥卒踉蹌至禪師處。額曰。有合死僧逃此間。求指示方便。禪師曰。渠在房中。任汝拘之。冥卒入。卽驚出曰。房中止見一座寶塔。赫奕光明。目謎不能略。開禪師曰。渠誦最上乘法。又發勇猛大願。雖天龍鬼神奈之何。汝但回覆冥君。某僧某師留之修塔。幽明功德分受。必不汝罪。兩卒不得已去。

頭陀遂製鐵鍊自鎖曳於道途。不憚隆冬酷暑。叩求善信。竟得以再生餘年。完此大功德。云凡世頑狠造業者無論。多有見善欲爲之人。今日待明日。今年待明年。悠悠忽忽到老。終無成就。直到眼光垂盡。唉氣欲絕之時。懊悔而歔懷林方。七日間便能跳出人鬼。開頭。因其一心怕死。求生甚迫。故能專勤諷經。不寐現光明塔。寧直冥使跼蹐無奈。卽閻羅天子亦應肅容頂禮。所謂誠能動物。不誠未有能動者也。天下善果圓熟。不問歲月。多寡只在發願勇猛。向往直前。倣去毫不遲疑。顧戀隨其一念一事。自然感格佛祖帝

全蜀書

卷五

五

五

五

五

五

五

天此古人今人持驗不爽之符節也。出新異錄
明南嶽有大德僧楚石博通三藏專持金剛經爲業。
人有禮之乞佛法者無賢愚貴賤輒大聲曰好持金剛經去。
年一百七十一歲始化同時有白藤和尚無極和尚亦專勸化持金剛經自藤終一百三十歲無極終一百二十四歲俱正德間事經云祈壽命得壽命祈大涅槃得大涅槃豈詐語耶。出受持果報

明嘉靖四十三年東南郡縣大荒蘇州洞庭山棟寺有唐白樂天所書金剛全卷爲鎮寺至寶是年寺衆饑主僧不得已取此經質山塘王宦米五十石爲食。

越歲王宦呼主僧至家願捨前米作齋僧用以經還寺僧歸過湖對衆稱揚王宦大德舟衆共求一看纔展開時風大作竟揭經前數幅飄空入雲而去僧懊悔不已三年後忽有一上官聞此經名階主僧以他事禁獄逼獻經至以非全卷不愜意釋僧罪仍以經還之僧過湖風又大作昏黑艤舟入一深村避風登岸索火詣一老漁戶家壁間粘前所失經數幅毫無傷損漁戶姓姚詢之但云前三年有火光一道墮田中驚視之是字紙因粘於壁僧向經悲泣頂禮呼護法韋馱不休曰非兩番神風顯異此經必入權門不

得完壁鎮寺矣。因備述顛末。漁戶驚惑。遂改業務農。
又出重貲裝裏。每歲遇得經還。經之日必往寺展禮。
壽八十二無疾終。此祝螺蛳千里送經還。更爲神異。

漁戶具有夙根。故得始終最上。因果彼陷僧逼經者。

冥報又不足言矣。

出受持果報

明廬山僧普靜。年十餘歲。便思出家。夜夢金剛神撫其背曰。爾後當成善知識。獲正果報。自此投師剃度。漸通內典。朝夕虔念金剛經。數十年如一日。忽夢神人告曰。經非如是誦。遂說一偈曰。有相相非真。無法亦墜繖。却舊窠臼。卽已了大義。師豁然醒悟。二六

時中止於晨昏朗誦一遍。默將三十二分。趺坐靜參。四十年未嘗下榻。神復來告曰。是在箇中矣。年逾九十。示寂。芳香竟夕。緇衆皆見幡幢導引。披紫袈裟。持木拂。翔空西去。僧宗起曰。佛有密度。有顯度。顯度者。幢蓋來臨。是密度者。使人心開目明。是顯度到底。幢蓋定來。龍華有期。靈山未散。又聞一僧誦金剛甚虔。發願不記遍數。不限歲月。但求誦經時返心內照。耳無聞。目無見。念無夾雜。如是一卷。卽爲滿願。歷誦多時。目卽不別視耳。終不能無他聞。此僧哀痛自責。持誦不見。一夕夢觀音大士云。汝誦經甚虔。狀耳根。

何能頓塞。隨以手摩僧頂。以二丸塞其耳。自後誦經耳目別無聞見。此余中表宗彥先聞之一講師者大士從耳根圓通證道故應有是因緣。此與金剛神之告普師同一靈應。出受持果報

明杭城有野僧廣澈。號通天向。金省吾中丞丐淨地誦經念佛。時張元洲尚書有家廟。名資福。頗淨省吾代求得之。廣澈日則誦金剛經。夜則携燈籠繞街念佛。省吾一夕夜歸遇之。爲書其燈籠曰。沙門廣澈。念佛通天數年。於萬曆某年月日回首廟中湖廣某藩王是夕夢一僧闖宮入曰。我杭州資福廟僧來爲王所稱福。因厚重奪舍以逝者耶。出新異錄

明萬曆間。楚高衲寒灰。諷經虔肅。句字清和。聞見竦狀。起敬。嘗於天皇寺以香水金末和墨寫金剛經至第十六分。一夕忘點燈。几上若有微光。乍楷書經直達子夜。偶腹饑思食。起憶燈燭。則眼前黑暗矣。驚呼同房僧取火視之。字畫莊嚴。更勝平時手筆。按保寧勇禪師云。看經之法。後學須知。當淨三業。福因俱集。三業者。身口意也。一端身正坐如對聖容。則身業淨。

矣。二口無雜言。斷諸嬉笑。則口業淨矣。三意不散亂。屏息萬緣。則意業淨矣。

出受持果報

明楚中戒僧法禪。發願往廬山建菴修行。至九江。適有西城外王西溪者。欲誦金剛經。聞僧名。卽延請諷誦。期滿三年。奉經資三百兩。後誦畢。止與百金不能。建菴。且所得之財。强半布施。僅持空鉢。偶值分封藩王。舟抵九江。起夫遞送。有富室僱僧充縛。夫時衆舫遇逆風。不能前。獨僧牽挽之。舟如駛。且足下騰空。尺許。王見驚駭。進詢其故。僧茫然不知所對。王疑爲妖。欲加刑。僧益恐怖。無措。狀王雖欲加刑。而心終異之。

再四詰所從來。僧熟思良久。答曰。貧僧素無他術。惟在王西溪家誦金剛經三年耳。因述前事。王嘆曰。金剛靈應。乃如是哉。遂賜銀三百兩。終其建菴之願。僧受賜後。足不復履空矣。天啓辛酉年。辭入廬山。不知所終。

出巾馱乘續集

明崇禎。如臯縣治北。普度菴僧周淨山。生而胎齋。不願婚娶。晨昏誦金剛經。極其誠信。時年方二十。與兄同居。兄病。將革屬以撫其幼。妻及兩襁褓子。因念爪李爲嫌。遂引刀絕陽血去斗許。死而再生。兄聞之一慟而絕。淨山躬耕養嫂姪者。凡二十年。逮兩姪皆成

立有室子母粗安。於是披剃出家。建草菴爲人講說。金剛經別有解悟人益重之。庚辰歲會大飫場竈鳩衆焚掠經過其地。皆曰無驚我周師即隣近避兵。雉竄菴中者悉得保。全年七十有五端坐而化。氣絕良久。頸骨挺然不仆。懶菴居士余庚詳紀之。自宗起曰。爲兄保孤引嫌絕陽。如此力量已徹。金剛大義。彼拘拘毀形滅性。避兄離母。必謂世法中無佛法。譬如離波覓水。必無是理。由受持果報

明萬曆間歸德府城外水晶菴有老尼別號獨目金剛尼。因嘗以金剛爲業。失一目名此天性淡薄。自糲會講。善信環集。一士子問曰。金剛經何以有三十二分。答曰。一以貫之。儒佛皆狀。何得許多段落。說偈曰。佛說金剛妙出羣。一言了悟絕聲聞。有人解得金經旨。四八何須逐段分。一僧問曰。何以謂之金剛。答曰。金剛人皆有的。何須恁般問。說偈曰。金剛果信是金剛。百鍊千槌永不傷。粉碎虛空些子在祇今。惟見佛毫光。又有人曰。師通曉佛義。何以不現男身。答曰。形有男女。性無彼此。莫作差等觀。說偈曰。男女何須辨假真。觀音出現果何人。皮囊脫盡渾無用。試問男身。

是女身隨問隨應靈敏異嘗遠邇皈依者無算年踰七十預示化期鼻端有火危坐瞑狀而逝示一偈云
茶毗一去永歸空著處尋空便不空我去我來仍是
我電光泡影一般同河南僧祥光述所見以語居士
余庚者按六祖聞無所在而生其心一句便豁然大
悟曰此真空妙有法性初祖之於慧可心方紛動嘗
恐未息諸緣纏息諸緣又懼頓成斷滅息諸緣是無
所住不斷滅是生其心無住是真空生心是妙有六
祖悟此更復何事獨目尼四偈已透夜半宗旨矣出受

持果報

明常州尼僧慧貞宦族之女自幼言動不妄願出家
父母聽之送入楞伽菴遂朝夕持誦金剛經有同菴
尼以穢事敗波及貞時適患目因憤恚俱瞽如是三
載誦經如故一夜夢金剛神謂曰汝行無虧當還爾
明晨起兩目忽開歷年九十無疾坐化昔崔相公羣
問如會禪師曰師以何得師曰見性得師方病眼公
訛曰既云見性奈眼何師曰見性非眼眼病何害此
尼雙瞳再朗特明持驗不爽若論得道却不在有眼
無眼出金剛靈應

大清金壇孝廉虞庶顏家世忠孝閨門奉佛蕭狀頭

金剛表驥系

下卷

七

陀無意當世。生平常課日誦金剛經。禮大悲懺。丁酉冬以仇家誣陷。逮赴金陵。衆庶莫不冤之。送者多號泣失聲。庶顏神情湛然。但默誦金剛經不輟。旣入獄。楚毒備嘗。庶顏如入禪定。但見伍伯紛拏於前。極力掠其股脰。竟無所傷。惟有黑痕數處。纏堅如頑石而已。遂得昭雪。庶顏常刻觀世音經。勸人持誦免劫。旣及於逮。人或疑事佛不靈。豈知精誠洞徹。竟身證金剛不壞體。耶子山修甚孝。每夜赤身露禱北辰下。一時霜凝水結。事解而後已。使佛法無憑。則山修亦足死孝。况庶顏乎。

大清吳縣周德聞。字君升。性至孝。年逾五十。猶刲股以救親母。沒哀毀長瘠。持金剛經至三年。欲滿若干遍。禮懺迴向。日夕勤渠向。苦目青。殆不能視。至遍將終。豁然復明。人以爲孝感。亦經力也。有念珠於路散失。數粒時思憶之。忽於家中地上拾得。恰是故物。作還珠記。益感神力。加被課誦靡間。


大清王有義。蘇州閻門人。素行朴厚。日持金剛經。至順治庚寅已積二十二年矣。是年秋。鎮帥王燭幕賓與義有舊。憐其貧。薦領沙船探海。實則貿易外洋諸國也。八月廿日。自老沙出。忽望海中。有白布在空

搖曳轉蓬往視乃遭風舟覆者尚有五六人伏抱梔木將斃矣救之達岸入大洋凡七日行三千七百餘里至日本界地名長岐脫貨買貨至來歲二月初十纏回發槳時天色晴和六七日間約行二千里許第八日忽西風大作浪如山湧大小梔連船盡失後稍折去一截漂沒五十六人時義正坐稍上忽若有人提入船中未幾風浪略平衆編佳文席爲蓬操櫓作舵始得進日壬辰四月十八復過長岐九月初一日歸帆將近普陀衆欲上山修懺因東南風順未果又行近陽山望見山上白氣長數里咸驚疑未已忽

起颶風飛擲篷木如鳥鳥猶鍊悉隨浪去頃刻船破溺死一百八十三人僅活義及徐姓陳姓者三命抱住白藤憑浪打上小洋山明辰偶浮到一木箱內有火刀石二事烟艾各一包第三日又浮到破釜半隻三人欲烹水飲之苦海味鹹不堪用旁見山石縫中出小泉頗清淡漸取煮蘆根爲食數日賴以不饑但大便閉塞腹中脹甚見天涯有草葉長而大掘之根如蘿蔔採作羹頗美食過腹鳴而泄神氣覺爽徐云此卽吾鄉杜大黃也其拾薪起烟望人馳救半月後遇張明政巡船詢知洋商送上老沙港三人得保餘

生義歸家感金剛神力早暮誦經彌篤大飄洋係
命所歸有義本分誠篤之人何爲履此危險向非金
剛救拔不死於五十六人中必死於一百八十三人
中矣徐陳二人要亦有善根故脫此大難歟已亥義
請金剛經於余自述前事因詳詢其顛末而筆之





二四十八